





盛明百家詩選卷之二十七

金陵蘭嵎生朱之蕃選授門人周時泰校梓

七言律詩

二百三十五首

張周田周幼海諸公山莊燕集次韻

秦梁

蔣家三徑入雲開更有高松蔭石臺  
蘿薜自容山客隱桃花翻引使君來  
到門澗水當環屋捲幔林香忽薦杯  
借得鶯歌留此醉仙舟須待月中回

送童子鳴游泰山



向平願畢已稀年五岳空懷思惘然君去御風躋日  
觀我猶漱石枕山泉嘗因海岱多靈跡幾欲方壺訪  
列仙若到大夫松下憇倚雲長嘯寄新篇

乙卯新正謁郡歸途有述

強仕

新正草色已青青省俗郊原緩轡行雪霽寒江添碧  
色風傳田鼓入春聲老翁閒學兒童戲僻壤猶存太  
古情豈爲紅芳耽逸賞且從黃犢問深畊

上南天門

王瑛

危峰迥揭乾坤勝一覽平收齊魯青已約風塵烟際  
立不妨笙鼓谷中聽松岫萬曲秋堪摘霞洞千尋冷  
不局讀罷磨厓仍日觀却疑身世到蒼冥

道出建陽書坊有作

依山客旆披雲至抱磻苔蹊帶雨過問寺暫留松榻  
靜觀文欲訂野人訛樓開烟竹僧茶熟巖落風泉鳥  
語和騁目不勝行思劇樵漁晚送隔村歌

送丁戌山人還閩中

黎民表

木蘭江上動深秋千里誰憐汗漫遊家共白雲天外  
遠身同明月海邊留秦人望逐桃花水楚客悲生杜



若洲來本無機歸亦得不知何處是菟裘

阻風李陽河驛

滿目川原百戰餘旅情芳草共蕭疎蒼山古堞逢秋  
騎野水殘燈見夜漁地近瀟湘多暮雨鴈來湓浦少  
鄉書故人憶我停雲外惆悵烟波少定居

送子鳴還浙中

蒯緱何事滯長安握裏驪珠只自看詞客暫留青瑣  
直故人偏戀綈袍寒歸心自繞龍丘樹塵路誰彈魏  
闕冠莫道長楊須獻賦江湖猶抱釣魚竿

承羅浮外史見過山房

東陵今日學爲園芹曝何心獻至尊漫有聲名傳谷  
口空勞車馬駐夷門清冰銷夏沉朱李涼月邀人倒  
綠尊自道羅浮堪吏隱肯將名姓紀軒轅

又

誰擬南陽有臥廬蓬蒿三徑閉門居祇緣好事能攜  
酒應爲窮愁獨著書闌暑氣催鳴鳥變新涼風過落  
花餘雲山正值追歡日入洛才名信不虛

嚴先生祠

駱文盛



富春山下鬱春烟  
曉日樞衣古廟前  
遺蹟不隨陵谷  
變高名常與日  
星懸灘聲汨汨  
流偏急松色蒼  
蒼節更堅  
慚愧十年南北  
路遠心空寄白  
雲邊

訪友塗中滯雨

長河波浪渺無津  
疋馬西風日易曛  
客舍况逢三日  
雨故人猶隔數  
重雲山容慘淡  
當窓見鳥語啁  
啾近水聞信有  
路難行未得旅  
愁鄉思益紛紛

春日郭氏山亭次壁間韻

野馬春郊遠興生  
參差樓閣望中  
明杯間日暖花  
爭發谷口雲閒  
雨乍晴淡靄翠  
浮深樹合迴峰  
青落小池平壺  
觴竟日淹留地  
坐倚清酣聽鳥  
鳴

奉和姜貞齋宮諭扈從謁陵

旌旆翩翩露未晞  
千官朝擁百花  
圍鑿輿迴觀紅  
雲繞僊馭雙瞻  
彩鳳飛宇宙分  
明唐氣象山川  
掩映漢光輝叨  
從幸與枚臯列  
簪筆惟應日月  
依

嚴城候發

其二

行宮森邃簇朱干  
紫氣龍文見鬱  
盤縹緲爐烟隨  
仗馬繽紛供帳  
屬儀鑿天顏共  
喜瞻依近文從  
偏承禮



數寬朝列即同僊吹發滿身清露不知寒  
行宮早朝

其三

淡蕩東風歷九丘欣欣花鳥遲宸游從知雨露恩長  
渥未信衣冠禮獨優千里祥光隨日轉三春和氣與  
雲浮壺漿此日逢迎地士女謹呼樂未休  
永安遲暉

其四

永夜纔瞻斗柄迴齋宮忽傍九霄開風清黼座雲連  
幄塵淨僊壇月滿臺浩浩泉源隨地發深深松檜自  
天培皇心久切園陵祀不爲三春雨露來  
諸陵陪祀

其五

羽騎翩翩歷翠微昆明時復候清駢迴流曉出疏龍  
磴噴沫晴濡建鳳旂海脉遙通元浩浩雲光交映自  
輝輝橫汾却笑當年事祗嘆秋風木葉飛  
駕幸九龍池

其六

雨霽靈山紫翠攢彩輿西引路迴盤垂垂弱柳縈千  
騎冉冉晴雲擁百官王氣自應開福地春光長合駐  
僊壇芳湖畫舸還相待時見微風動碧瀾  
駕登十八盤嶺

其七



曠曠曉日初迴輦。藹藹春風復上臺。倚逕蒼松浮淡  
靄。侵壇碧草淨纖埃。層嵐迴覩金山麗。華燭雙懸玉  
殿開。盛事於今誇始見。倚那清頌更須裁。  
駕還謁金山二陵

其八

森森芳湖霽景開。翠華遙自翠微來。波翻紫荇迎仙  
舸。風送紅霞上壽杯。縹緲花香浮島嶼。葱蘢佳氣護  
蓬萊。當筵擬獻嵩華祝。染翰慚非沈宋才。  
駕奉聖母泛舟西湖

春日邵園宴集

東風池館稱幽尋。何啻南溪十畝陰。自喜佳賓還邂逅  
追底須清景在山林。坐移碁局苔堦淨。行傍鶯聲柳  
徑深。忽向高亭生遠興。滄浪聊復動長吟。

其二

南園更覺風光別。乘興重來散馬蹄。偃僂不辭苔徑  
遠。扶攜還過石橋西。花香拂拂時薰盞。湖水溶溶近  
拍堤。圖畫瀟湘真在眼。凌高虛擬覓丹梯。

院中紅杏

詞垣地接瀛洲近。紅杏花開麗景新。初過雨痕香欲  
散。迥凝霞彩色俱勻。憐芳曉折枝枝豔。送酒時巡樹



明詩選 七律卷之二十七  
樹春忽憶故山棲息地一枝高閣對嶙峋

午日駕幸西海泛龍舟有述

彩絲金縷應佳辰翠苑晴開麗景新  
泛泛龍舟誇角觝  
離離鳳管聽韶鈞雲光自動蒲觴影  
花氣長浮綺席春  
幸共枚臯扈仙蹕願歌天保答皇仁

送沈夷齋諫垣謫官錢塘

注亭立馬思依依送客那堪對夕暉  
燕市炎蒸三伏熾潞河風雨片帆飛  
東西歧路從漂梗南北  
好振衣况是清時憐直道不妨杯酒誓相違

送胡少巖引疾歸蜀

拾遺家住浣花溪忽向秋風憶舊棲  
鴻翩遠衝村雨散馬頭斜拂棧雲低  
心懷報國須焚草興到看山且杖藜  
青瑣同趨定何日不勝西望思悽迷

宮柳

城闕東風春可憐參差弱柳弄春妍  
銅池曉散霏微雨碧殿晴開縹緲烟  
度水飛花隨御輦繞枝啼鳥近芳筵  
無言脆質零秋易松檜同看閱歲年

院中葵花



都城五月芳菲少唯見葵花向日紅枝直不妨風力  
勁色妍偏愛露華濃名園衛足功須記野客傷根刈  
豈逢獨把一觴還自詠南薰人在玉堂中

夏日喜雨

隱隱雷聲何處聞城南雲氣晝氤氳滂沱忽送西堂  
雨沾灑全消大地氛喜對新涼晴掃榻好迎佳客細  
論文益榴况有餘芬在不厭傳觴對夕曛

九日邵園宴集次桂洲閣老韻

都門風景邵平園上相閒開九日尊地有樓臺元近  
郭徑多榆柳却連村山頭涼吹從歌帽水面晴雲故  
傍軒莫訝黃花能醉客游歌千載見皇恩

邊警

颯颯涼飈吹野蒿雲中聞已度天驕烽烟夜逐邊雲  
起殺氣秋騰塞壘高寧武三關無險隘晉陽千里散  
旌旄中原猛士今何處不見臨戎控寶刀

其二

醜校能開五石弧苛嵐山下日號呼三千詫說全軍  
覆百萬驚看盡室屠冽冽寒風竟慘慄離離衰草血



模糊乾坤不盡生靈恨泣向秋原淚欲枯

其三

嵐縣方歸俺答旌石州仍駐吉囊兵乘驕叵測胡兒  
騎坐困真憐漢士營重鎮百年須鎖鑰總戎今日是  
書生西風獨上高城望慷慨何當一請纓

其四

西去誰經亂後州傷心風日氣颼颼人行萬里無烟  
火鴉噪千村有髑髏古堞盡隨秋草沒長河空帶夕  
陽流哀哀鬼哭何時已偏共殘更咽戍樓

其五

將軍新珮虎盤囊白馬翩翩下朔方烽火未聞清內  
郡捷書先遣到長楊論功自合叨殊錫雪耻誰當築  
受降借劍有人還激烈幾迴抗疏上明光

其六

矯矯忠宣思不羣安危四海望逾勤謀猷每動先皇  
聽談笑能清遠微氛小范甲兵威建武老种經略播  
河汾可憐遺績今誰繼諸鎮劊殘不忍聞

其七



妖祲西來黯黯浮，矢心寧忘朔方讐。倉皇已失先時戒，閒暇誰爲後事謀。飛箭可能清絕漠，長城須擬壯神州。登壇孺子嗟何及，肉食那紓聖主憂。

其八

邊雲漠漠暗邊臺，颯沓胡沙漫草萊。豺虎正逢多事日，瘡痍須仗濟時才。留田實見先零困，繫頸虛傳頡利來。千載太平還坐享，未應輕遣玉門開。

單懷驛聞駕還志喜

山水湖襄去路遙，遄歸無乃聖躬勞。風行萬馬宵馳道，塵擁千官曉赴朝。定有壺觴迎父老，豈無霖雨下雲霄。星軺未遂趨行殿，起聽晨鷄首重翹。

明月寺次壁間韻

乘興來尋明月山，丹梯應不礙躋攀。旌幢縹緲烟雲外，臺殿參差竹樹間。幽徑落花僧未掃，高秋斜日鳥初還。狂歌不盡徘徊意，憑醉臨風更倚闌。

宿昌平劉諫議祠

諫議祠堂日已頽，入門蕭瑟但蒿萊。英風祗自懷千古，行潦那能奠一杯。人靜鼙鼙啼夜雨，月明風露冷



秋槐更餘不盡徘徊意手按殘碑思轉哀

過湯陰岳武穆祠

湯陰城上日朦朧武穆荒祠在眼中飛構暮雲猶宿  
雨古牆垂柳自春風和戎已信金繒力破虜誰論鐵  
馬功千載令人重悲詫不勝清淚濕枯蓬

南屏山宴集

湖上風煙淨可憐一尊開傍菊花前丹梯颯沓仍隨  
憶白鳥翻飛故近船踪跡乾坤元不礙襟懷山水自  
相便兩峰南北尤奇勝拄杖還須躡翠巔

飛來峰洞小集

莫訝看山趣自偏杖藜今日與悠然尋雲不覺深無  
路探壑從知別有天佳句可能酬勝賞芳尊聊得共  
高賢斜陽不用催歸騎擬借僧房一夕眠

宿中天竺

斜日重過湖上林乾坤幽意愜招尋雲依佛國三天  
近路轉松陰九里深自喜琴尊偕勝侶况憐猿鶴有  
清音燈前忽起烟霞思兀坐中宵動遠吟

祈雨有感次陸東坤大令韻



秋來轉覺炎威熾千里那堪稼穡枯避寢不辭三日  
禱登壇還擬百神孚靈飈忽向岡頭起甘澤遙隨鳥  
翼敷矯首玄功猶未歇晚來雲氣更模糊

花朝宴集任嶧峰司諫宅

紫陌春風引興長玉壺春泛鬱金香鶯聲晚度龍池  
外花氣晴薰瑣闥傷唐代風流傳卷畫漢家詞賦有  
輝光多情更擬深宵醉華月華燈况滿堂

送魏淺齋中丞撫兩河

翻翻旌旆潞河津萬里宣威命新未訝臺端重風  
裁卽看河上見陽春榴花日睽官亭酒柳葉風清驛  
路塵吉甫于今誰繼誦驪駒聊向別筵陳

送鄔佩之歸州太守

燕臺春曉雪晴五馬翩翩出禁城閩海天高飛鴈  
遠潞河風駛片帆輕三山樓閣烟霞思四野桑麻雨  
露情公暇自知多雅詠紫清還協鳳簫鳴

送許元寵之任都昌

江亭杯酒晚踟躕執手那堪思黯如岐路風烟千里  
外交情桑梓十年餘雲松斲假琴尊適霄漢還看羽



翼舒官署况聞堪眺望捲簾山色到匡廬

送張子居使錢塘兼訊東橋令叔

寒雲漠漠曉垂空野寺芳尊此日同鄉思忽馳飛鳥  
外歲華空老別愁中星辰北闕情應戀花柳南州興  
不窮歸見東橋須問訊關河久矣候征鴻

送客

高城木葉下蕭蕭無那涼飈日更飄簪笏曉辭金闕  
下珮旌秋指碧山遙攜琴莫漫尋僊侶採藥惟應伴  
野樵獨有主恩渾不忘幾迴飛夢在丹霄

送童內方官詹省覲還楚

十載鳴琚近紫宸賜還今日及青春牽風水荇迎僊  
舸炫目山花照錦茵色養豈論金馬貴庭趨真慰白  
頭人沅湘自昔多芳草採撿還看入佩紉

送客歸蜀

漠漠輕塵擁畫輪江山今日獨歸人蕭條暮景驚黃  
葉迢迢鄉心動紫萸三徑菊松還舊業一川風月自  
新隣青城漫擬僊蹤近國病民勞恐愴神

齋居次張水南學士韻



紫霄深鎖院重重啓戶遙看月在東  
裊裊爐烟浮御氣遲遲宮漏滴銅龍  
雲飄金井烏啼樹霜冷瑤壇鶴唳  
風耿耿寸心渾不寐幾迴瞻候沈寥中

對菊小集次盧涑西太史韻

淺紅深紫信誰強晚色今看獨讓黃  
客至祇應供一笑詩成不覺到斜陽  
風流已占陶園景翰墨仍薰漢署香  
盡飲不須愁酪酊邊戎今已奏于襄

再次康礪峰太史韻

簾捲虛堂曙色蒼幽藜惟見菊花黃  
爲園未擬開三徑勸客猶堪具一觴  
樂樂秋容明几席脩脩涼氣襲冠裳  
憑軒不盡徘徊意自起狂歌款夕陽

十月菊

月華雲影映虛堂晚色猶看菊有黃  
但遣清尊供勝賞豈論佳節過重陽  
繁霜莫漫凌孤植寒雨空嗟落衆芳  
醉挿翹枝滿吟髯不妨兒女笑清狂

至日試筆

搖落那堪暮景催東風忽向帝城來  
亨時漸啓三陽泰和氣先傳六管灰  
生意自憐宮外柳含芳誰寄隴



頭梅朝回幸有鑿坡侶好共清吟一舉杯

郊居

疎慵無那病中身委巷移居似野人綠竹旋栽從夙  
好青山相對作新隣門無車馬寧嫌僻坐有琴尊豈  
是貧况復中朝書問絕丘園應得遂沉淪

郊行

病起尋春到水涯幽閒真愛野人家柳陰繫舸聽啼  
鳥苔徑移觴數落花緜緜烟雲開迥野翩翩鷗鷺浴  
沙不須更覓滄洲路吟對南山興轉賒

秋日雨中友人過訪

苔徑蕭蕭日已荒閉門終日坐焚香高情忽在雨中  
駕一笑同傾花下觴谷口煙光秋漠漠簷前樹色晚  
蒼蒼倉重來不厭無佳賞黃菊東籬漸有芳

紫山姚子新居

小園幽寂小堂開望近南山爽氣來春水野塘魚潑  
刺午陰松徑鶴徘徊焚香燕坐時繡帙對竹閒吟一  
舉杯莫訝囂塵今始隔冲襟久已淨纖埃

登樓



病起獨登溪上樓  
晴天爽氣開新秋  
霏霏竹葉翠相  
耿藹藹嵐光青欲流  
仙侶東南憶勝境  
浮雲西北懷  
神州壯心耿耿誰與晤  
坐對一觴聊解愁

夏日友人攜具過訪

款山亭上雨瀟瀟  
坐對爐薰午未銷  
倚檻餘花猶自  
媚到門佳客不須招  
芳厨已許攜珍饌  
野店還堪買  
濁醪劇飲不妨歸  
路暝醉乘涼月渡溪橋

寄題吳氏東林山眺遠亭

聞道青林霽景開  
古松巖畔有層臺  
悠悠去鳥天邊  
下漠漠飛帆渡口迴  
採樂侶依雲並宿  
吹簫人與鶴  
同來何緣坐我孤  
亭上笑對清尊亦爽哉

種竹

南園種竹已成蹊  
新竹抽稍忽復齊  
風檻乍看青鳳  
翥雨簷翻愛綠雲  
低炎天小簞時堪展  
野客清尊日  
與攜興到不須供  
翰墨錦聯隨意節間題

春日過舍弟小園看花

藜杖尋花溪上行  
春來聊遣病中情  
寒輕野渡水初  
泮雲散步郊雨乍晴  
華館未須誇艷冶  
小園差足慰



平生壺觴預擬過從屢醉與東風結好盟

西天目中峰

十載尋山力未任名山今日獨登臨到來石塢雲初起行過松房路轉深危磴近看青漢接孤村遙見盤烟沉陰晴况值須臾變幻景翻令一賞心

○村居

野情多與世情違茅屋山中獨掩扉稚子漸開松菊徑老妻親製薜蘿衣茶烟裊裊浮書幌花雨濛濛濕釣磯更喜年來杭稔熟療饑無藉北山薇

春日登道場山樓

絕磴躋攀力不任登樓尤覺勢巖嶽微城郭千家雨迤邐桑麻四野陰風景自應稱勝槩壺觴聊復動長吟乘風幾欲招黃鵠獨倚危闌望遠岑

望湖亭

山徑逶迤深綠苔望湖亭上一徘徊搏風鶴鶴翩翩下帶雨帆檣緲緲迴轉盼已疑塵世隔盪胸真遣宿醒開春寒不盡登臨興明日須還載酒來

歸雲菴詠雲



菴畔閒雲冉冉歸候雲長日坐荆扉遙看縹緲來僧  
榻近愛霏微習客衣野性自知堪作侶病情何幸得  
相依徘徊更訂山中約白首同棲願不違

春日西園睡起

天恩昨許故山歸別墅今開竹下扉衰病祇緣親藥  
裹閒身真稱着荷衣古松巖畔蒼烟合芳草池邊白  
鳥飛布被幾回春睡足起看新水上漁磯

贈九野孫山人

九野山人風雅流抱琴何意到林丘瓊瑤未擬才華  
並水石真憐氣味投對酒屢移花下席看雲時上竹  
閣樓山中笋蕨還堪具草榻無妨數日留

辛亥立春試筆

簫鼓喧填西市街兒童驚報送春來未誇彩勝光華  
異却喜陽和次第回老態不嫌雙鬢改壯懷偏傍一  
尊開東郊况值新晴候好待扶筇探野梅

郊居用唐荆川太史登墩韻

紫蘿裊裊迎風柔主人自愛林塘幽溪頭白鳥數回  
下座上青山長日留衰病不禁文字役樂歲幸免饑



寒夏巖花洞草更解意攜酒遲我青山游

春暮遲人不至

春初元擬接清歡詎意春深尚未還  
簷外落花時片片水邊啼鳥復關關  
芳園載酒同誰往絕嶠看雲只自攀  
清夜不須勞夢想計程應已到吳山

元多山居

莫道城中景物饒村居聊爾度良宵  
華燈自向山亭簇濁酒聊從野老招  
未許年華增白髮獨憐身世遇清朝  
更闌不寐精何極坐對西樓月影高

雲岫寺王肖溪大令宴集

雲岫藏雲雲不飛老僧長口伴雲棲  
參天竹樹陰陰合覆檻藤蘿裊裊低  
過雨流泉穿石下啄花幽鳥向人啼  
我來正值朱炎候却喜涼生白芡衣

書魏子華雲松樓

古藤修竹紛蒙茸童子揖客巖扉中  
階下翩翩舞獨鶴簷前鬱鬱盤孤松  
玄談未暇祖莊列古意直欲探鴻濛  
吹簫更與坐明月仰視黃鵠翔天風

客有過山莊談時好者心頗厭之賦此



病棲山館十年餘，冷淡何殊釋子居。  
利欲驅人還自笑，繁華過眼卽成虛。  
清宵露濕磯頭艇，白日風翻枕畔書。  
洗耳高蹤那更得好，將生計問樵漁。

來月樓試竹茶鑪

王表

樓在空中月在濠，茗鑪小試欲生濤。  
火兼文武功非易，香瀉漪瀾品亦高。  
六碗通甯容我共，一尊低唱任渠豪。  
乘風便爲蒼生念，何日顛崖命可逃。

寄唐應德內兄

王立道

知君骯髒與時疎，不爲功成學漢疏。  
垂釣溪連嚴子種，樵莫倚一丘能自老。  
巨源昨有薦賢書。

贈隱者

高車大蓋意已疎，鶡冠短褐加東居。  
丹經鋪案晚食後，黃犢繫門春種餘。  
負薪野店與沽酒，學圃隣翁時乞蔬。  
愚公亦近北山住，爲問險路今何如。

問梅用陳石村點韻

陸九川

歲晚長風吹客衣，巾車寒叩白雲扉。  
百花潭空冰雪冷，七日陽來消息微。  
多情後會春事動，有夢已逐羅



浮飛倚醉行吟盡東閣今夜玉人歸未歸

懷潛坤兄客濡須

陳東川

春風別淚濕羅衣旅雁南飛客未歸  
江菼野花秋渺渺楚雲吳樹思依依  
關山望斷登臨廢童僕情親故  
舊稀澤國水寒涼節度鄉心應解憶鱸肥

秋懷

幽栖地僻竟淹留霜葉黃花又入秋  
才怯馬卿徒病渴情如阮籍未醒愁  
江天搖落初聞雁雲物淒涼倦倚樓  
不盡心期成浩嘆幾回空自看吳鉤

○寒夜偶成

荒城擊柝小齋空情味蕭然客裡同  
短箔斜分簷外月乳鴉啼散隔林風  
杯傾玉薤餘寒瀝花暗銀燈剪夜紅  
悵別悠悠心正絕數聲連鴈寂寥中

○陳氏來益齋留別

香凝燕寢石齋幽帟帳青綾伴客愁  
迢遞鄉心銀燭夜淒涼風雨候蟲秋  
松花滴酒難爲別蕉葉題情漫紀游  
明日歸舟重回首水雲沙鳥思悠悠

石村草堂看月同姚陸二子



高雲落木江村暮遠道孤帆客子來姚合舊知誰繼  
武陸機先達更憐才草堂影亂青蘿月花嶼香傳白  
菊杯永夜氣酣歌激烈雁啼霜落斗西迴

花朝過三徑草堂因觀魚於東濠

日值花朝未見花柳風寒帶草堂斜緩尋春去出溪  
郭網得魚來問酒家貧老烟霞無長物分甘藜藿是  
生涯光陰忽已春分候且對芳樽閱歲華

三徑池上獨坐候客

池上虛亭獨坐時東風吹動碧漣漪殘花委地春無  
力灌木連陰午正遲世事歷餘蒼鬢改機心忘盡白  
鷗知故人有約休相負轉眼芳菲又過期

人日立春

喜逢人日又逢春物候風光滿眼新行樂莫教虛好  
景尋芳宜早起香塵鬢邊白雪從伊老花下清醑不  
計貧詩草奚囊無定跡雲山隨處任吾真

次竹沙燕志逸韻

二月梅花學雪飛山人留客閉岩扉溪魚入饌銀鱗  
細野菜登盤翠甲肥老去欲尋勾漏訣年來久息漢



陰機五陵裘馬非吾有  
隨意春風白苧衣

睡覺

睡覺衾單更覆衣  
斷鐘殘月曙光微  
春歸有日寒猶在  
老去無心夢亦稀  
久雨簷花方住落  
風高雲葉故應飛  
送春莫負扁舟興  
楊柳晴溪綠正肥

和友人石塘宴會韻

湖南佳處漫停車  
紅葉凌寒玉露餘  
啾啾雞聲茅屋近  
飄飄帆影水雲虛  
牧兒引犢行隨草  
漁父鳴榔故趁魚  
好景留人忘去住  
言歸不覺月明初

塔院雨中述懷

許穀

花宮白日飛山雨  
卷幔蕭條几席寒  
細細陰苔生古壁  
濛濛香霧遶空壇  
身依魏闕龍光近  
家在鍾陵鴈字難  
回首秋巖蘿月好  
石林應負竹皮冠

扈駕上陵

斗轉星迴下玉京  
天行雲從指金城  
輕寒不上山龍袞  
初日遙含彩鳳旌  
陵外煙霞圍帝宅  
空中霜露切皇情  
微臣扈蹕瞻新典  
詎數橫汾近侍榮

夏日有懷江村園亭



聞道楊園敞翠亭雜花千樹映疎藤竹間彩石藏靈  
異檻外清泉散鬱蒸臥聽蛟龍吟玉澗坐看風雨下  
鍾陵黃塵束帶慙高誼回首蒼松去未能

○歲暮

湖西清暑鎖煙霞藥裹關心早放衙四海虛名慚絲  
筆百年多病憶丹砂床頭綠酒偏欺客夢裏青山每  
到家苦涉風塵非上計江邊空老刺桐花

九日寓分宜有懷玉泉子

談玄日奉紫霞裾整此分襟亦愴予道路秋霜旌節  
外屋梁明日夢魂餘乍驚白鴈排雲度空負黃花滿  
目舒此際黃尊逢令節知君高興復何如

春早同州士遍遊江上諸山

舒 纓

山前山後足登臨冷艷幽芳稱客心江竹斜連殊有  
韻寺槐初發未成陰北來午浪兼雲湧南下春帆指  
霧深述作誰當陶謝手忘言聊倚最高岑

別署

遠市幽居稱獨潛當楹風竹亦祛炎霧侵虛壁苔將  
遍雲起迴塘水自添隣並玄林松偃戶人閒白晝鳥



穿簷圖書滿架時尋樂何必含悲賦病楠

集顧士奇西十里莊

背城西去水莊幽野景無涯盡此收小閣臨池虛有  
亭高臺壓徑爽如秋心怡坐隱花偏寂興洽行歌鳥  
自酬更喜主人多遠韻酒酣林夕未知休

夜行海門有感

獨夜羈遊東復東野煙浮岸月浮邊身驅吏事愁無  
寐路阻親闈望未通燈火暫明村屋遠棹歌相應海  
天空水程風旆長爲客又覺春殘落紫桐

山齋

小作茅齋倚翠屏林陰浦色總移形天連楚岸平宜  
眺潮過吳門遠可聽澹愛禪心僧許近靜無人跡鶴  
來停更憐竹戶斜臨水爲納春風夜不扃

江樓晚會

江天欲暮更徘徊靜覺春潮洗俗埃翳石藤蘿渾欲  
遍鎖樓雲霧不曾開衣沾白漫星河近座接清輝月  
御來沉醉愛依山翠裏樽前無事可相猜

曹贊府山堂



塵滅空齋機滅心羨君高逸此來沉煙浮竹徑宜春  
酌風起萍池稱晚吟早擬戴逵輕仕進還矜許掾便  
登臨清虛何異滄浪畔時與鴛鳧濯淺深

如臯同黎明府夜會聚玄亭

玄亭多景暫容分春夜相看靜可欣鶴羽迎風當座  
立蛙聲報雨隔牆聞共憐萍路逢佳會自愧花時作  
剝員漏急華譙樽未罄愛君清興薄飛雲

又

江縣春深樂意多倚亭花樹翠連柯幽知潤洽雲生  
座乍覺寒侵雨灑莎砌下發聲憐細蚓燈前爭焰憶  
飛蛾正陪妙語歡無極不記浮生事若何

江野

江野春深綠不稀林風帶雨濕農衣苗連新水蛙初  
出草蔓平坡犢正肥從古幽風真遠俗當時莘叟自  
忘機百年生計應憐此未說樊遲學稼非

郊寺餞別鎮山

尹臺

傍郭塵昏曉日微出郊路靜過人稀客停簇騎穿蘿  
逕僧迂禪堂啓竹扉含濕柳煙浮席動颺空花雨入



簾飛江南秋至尊鱸美羨爾揚帆今獨歸

送劉唐巖太守赴任嘉興

水岸春風動綵旄煙郊柳色暎朱袍股肱暫借淮陽  
出刀犢懸知渤海勞列戍軍屯憂戰餉三吳民力困  
征漕時艱合展平生許肯使煙塵暗呂刀

送劉嵩陽冊楚藩

溫新

雪日飛旌出帝州玉壺載酒送行騶丹青雲擁天書  
去青瑣人傳諫草留楚甸鄉山應駐馬洞庭春浪好  
移舟知君最切匡時念細采民風上冕旒

遊寺

莫如忠

香界追攀十載曾薜蘿深處翠微扃齊梁古跡譚雙  
樹水月玄心鏡一燈山鳥弄晴春冉冉閣雲凝碧畫  
冥冥投簪莫訝歸無侶猶有逢迎白社僧

春日遊虞山

興在春山獨遠尋行隨杖屨歷嶽岑千盤磴出花間  
路百轉鶯調谷口音石洞流雲藏窈窕海門初日變  
晴陰更臨絕巘看飛瀑頓覺清泠洗客心

太白樓



縹緲層樓霄漢隈  
南城山色鏡中開  
不知仙馭游何處  
長擬星辰謫上台  
林杪鶴巢珠樹遍  
日邊鯨負海濤來  
秦碑魯殿俱銷歇  
未覺浮名勝酒杯

十八夜讌集倪公甫

莫是龍

華館邀懽夜未央  
西樓寒月正蒼蒼  
芳尊坐映青雲色  
綵筆爭傳白雪香  
十郡英游成合并  
六朝遺跡豈荒涼  
羈懷易覺秋容盡  
階下蕭疎木葉黃

顧仲方招隱園

清秋乘興訪名園  
巖壑蕭疎桂樹繁  
花外朱橋綠斷岸  
竹間蒼岫引飛軒  
空山猿鶴堪招隱  
滿地煙霞久避喧  
翻笑淮南重方術  
八公徒著養生言

寒日與何翰林登虎丘時郡太守禁游讌山色雅靜因坐移日有作

林丘寂寂對寒暉  
半鎖荒苔立馬稀  
何處齋鐘心共遠  
當年歌管事全非  
空潭雲氣生衣冷  
幽壑泉香入酒微  
盡說高陽罷游讌  
尚容山簡醉中歸

懷秦子仁季

經春爲客抱沉痾  
深夜懷人入夢多  
玄思欲騰非馬



辨清狂誰和飯牛歌樽前意氣遙相憶世上紛華近  
若何寂寞山堂感離索蕭蕭風雨集庭柯

瓊姬墩吳王夫差愛妃葬地在金鏡湖上

館娃昔日侍君王千載遺墟草樹荒雲冷翠帷消艷  
質月浮金鏡倚殘妝忽辭寵渥先朝露空以蕭條伴  
夕陽一自胥臺走麋鹿不知誰復識高唐

登燕子磯次韻

曹大同

百疊蒼屏一徑通背巖亭子枕江雄歸雲擁樹深藏  
寺岫嶺連城上逼空山門戶煙花晴照裏六朝興廢水  
聲中閒情徙倚虛明界鐘磬蕭蕭落晚風

靈谷寺

一抹閒雲鎖法堂萬松寒翠灑衣裳山迴易激風雷  
氣地僻長聞藥草香功德臺荒餘鹿豕丹青殿古自  
齊梁千年王氣瞻鍾阜幽贊功多福正穰

十廟避暑

古殿棲遲過轍稀踈慵真與物情違炎天樓閣虛相  
映僻地風煙靜可依山拱紫微饒王氣湖搖玄武瀉  
晴暉自憐心跡元超絕客裏尋幽總當歸



宿牛首寺

招提高占碧雲岑  
展眺真懷出世心  
晝日殷雷喧絕壑  
暑霄法雨灑空林  
蓮花界淨天香護  
貝葉經翻道氣深  
一自借眠禪榻穩  
幾迴清夢落巖陰

山行

山行表裏鏡光浮  
雲起無心似水流  
花氣熏人翻怯午  
巖陰欺酒忽疑秋  
古苔煙霽開蒼徑  
垂柳風柔掩畫樓  
金館璇臺迷處所  
斷霞千尺掛丹丘

村居

軒窗洞啓見南岑  
片片閒雲依素心  
三里川原明樹彩  
一區門巷靜花陰  
寓言不廢步兵酒  
託志長揮中散琴  
池上行歌採蘭芷  
自餘芳馥媚幽林

城陰小構奉次姚錢諸鄉丈

結構因便山澤居  
委懷終歲在琴書  
雲藏戶牖高眠穩  
月映松杉起步徐  
緱嶺寄情堪馭鶴  
濠梁託興好觀魚  
不嫌路入疎林寂  
一任紆迴長者車

張計部左遷二守携樽過訪

畫省風流見偉人  
燕山水雪洗心神  
清朝共羨連城



償僻地能敷萬戶春燦爾鳳鸞來枳棘終然劍珮上  
星辰一樽傾倒柴門月肯信高懷繫繫忘淪

相國寺阻雨對菊飲和上人

呂時臣

南歸舟楫出陳留風雨催寒坐沃州賴有幽花堪遣  
興可憐黃髮不禁愁藏中佛蹟看唐碣城外河聲走  
汴流弔古幾來經劫地一尊聊共野僧酬

村家阻雪寄張給事巽卿

絕夜孤村食稀金河冷氣濕征衣舟橫斷岸人難  
渡雪壓空江鴈不飛懸夢短燈三宿暗酬恩長劍七  
星微不堪索寞恁遊子歲晚關山未擬歸

出越江寄張孺毅

病餘初下越王臺杜宇聲乾謝豹開兩岸亂山隨棹  
轉半江落日送潮來夜行曲水春無賴曉度西陵首  
重回四海交游半凋替幾時采藥向天台

雨中渡錢塘留高大夫文中宅出新詞譜以侑  
觴

碧雲芳草滿天涯相見應憐歲月遲半夜開尊留客  
處片帆帶雨渡江時青蓮許結山中社白雪教傳郢



上詞且醉且謔休問訊浪遊原不計歸期

諸公邀登甘露寺留別

天風飄忽芴袍輕兩度登臨慰客情  
踈磬雨催山寺曉亂帆春放海門晴  
江迴鏡甕三吳盡潮過金陵七澤平  
明日別離何處問斷腸煙樹漫蕪城

集市隱園得霞字

何良俊

大市南頭一逕斜蕭然門巷靜無譁  
扶疎竹樹籠寒日浩淼湖陂逗晚霞  
天外喜逢江海客寒宵同醉隱淪家  
老梅亦似含情待故傍山楹著數花

乞休得請

三年騎馬客南京解組歸來夢亦清  
豈有文章留玉署但將杯酒寄閒情  
臨春閣廢猶餘柳玄武湖荒曠有鶯  
昨夜梅花破幽寂爲傳春信到江城

春日花前聽節箏歌作

瘦鶴支離病客身黃鶯嬌小帝城春  
花前莫遣清尊歇頭上應添白髮新  
縱飲已忘身外事當歌且惜眼中人  
秦淮花月如天上幾欲乘槎一問津

山中酬唐太史見訪

萬表



山齋寂寂臘初深，披衲朝朝聞梵音。我已出家惟帶髮，君來聯榻與同心。天涯避地因多病，幻跡隨緣卽故林。明月滿庭殘雪在，那堪孤雁返山陰。

秋江晚望

龔秉德

萬里煙波屬上游，海天風氣接高秋。山連京口盤雲出，潮轉江門帶月流。鴻鴈空傳南下字，關河猶阻北來舟。乘槎歲晚無消息，落木蕭蕭滿渡頭。

雨花臺眺望有感

崇臺縹緲出雲孤，春日憑虛覽壯圖。江逸潯山遙

楚山連京口，半吞吳秦淮。風

憐今昔王謝豪華問

有無回首長干傷往事，六朝煙雨混靡蕪。

除夜言懷

鑪煙燭靄靜相兼，綵勝椒花手自拈。梅吐寒香分玉砌，竹搖清影上牙籤。幽懷忽訝丁年近，華髮應憐子夜添。獻罷春盤渾不寐，霏微雪霰度疎簾。

訪蔣南冷隱居賦贈

君家淮海擅詞源，逸氣翩翩道義存。種竹每分蔣翊，選著書常臥茂陵園。日高花影朝侵案，月轉潮聲夜



到門世事浮雲那可問  
客來准酒一開尊

秋日感懷

江城砧杵動高秋  
南鴈不來故倚樓  
戎馬猶聞朔塞急  
烽煙重繫海門憂  
閒甚翠篠存碁局  
愁折黃花對酒甌  
羈宦十年歸未得  
幾回清夢繞滄洲

過護國寺

瓊樓遙接萬峰陰  
絕壁香臺路轉深  
煙靄連雲迷上界  
鐘聲刊木空林  
庭留老樹傳僧臘  
案有殘經定客心  
不為迦禪象聊依慧境散幽襟

○遊天台深處次王巖潭韻

一入靈山逕轉長  
遙瞻華頂鬱蒼蒼  
霞光初散連天碧  
藥氣微薰滿澗香  
草蔓丹鑪懷葛令  
雲深桃水失劉郎  
赤城本自迷來路  
虛擬僊姬度石梁

送徐太史

劉鳳

使車朝發白雲邊  
萬里春帆細雨懸  
正憶鶯花江上月  
可禁楊柳薊門煙  
蓬萊氣色揮毫裏  
漢署風流獻納前  
聞道聖朝行幸少  
知君未擬賦甘泉

憶廬山



廬岳雲深翠色重屏風九疊倚芙蓉虹霓日射康王  
谷河漢秋懸玉女峰巖上游龍飛瀑水隍中積雪灑  
長松石梁更出天池側慧遠匡君總未逢

戲爲壯歌贈衛生

西市相逢仗劍行髭鬚拂拂丈夫情誰令貧賤身逾  
重能使賢豪意獨傾貫酒定須從武負停車莫不過  
侯羸從來唇舌真堪貴千乘爭如一諾輕

登江中觀音閣

魏學禮

亂石迢逢插斗邊客心欲墮片帆前清才早擅慙江  
總孤閣秋登憶仲宣地坼長洋浮日月天迴東極  
風煙憑欄却羨西飛鳥雙翼橫空望杳然

贈嚴山人

君平棄卜着蘿衣晚歲移家住翠微煙外藤花隨澗  
落峰前瀑水逐雲飛青山不到浮塵色高調堪憐白  
玉徽向夜江關占斗氣采真知與市朝違

秋日中丞嘉嶺董翁召過草堂宴菊卽席賦謝

王崇古

廿年遼海勲庸舊二徑延山興味真司馬豈貪獨樂



社淵明應愛旣歸身青山繞屋開袖掌碧水浮堦長  
綠蘋棋局有綠隨杖屨紉蘭餐菊共頤神

石亭館與友人夜坐

李時行

客裏逢君屬暮秋別情歸思共悠悠燈前細雨催黃  
葉海內知心半白頭露氣暗浮水簟冷蛩聲偏助草  
堂幽欲期後會應難定且對青尊一暫留

憶昔

一別蒿萊奉紫宸金門通籍寵光新清宵良履趨仙  
閣薄暮鳴珂出禁闈萬戶笙歌連落日五陵車馬動  
飛塵江湖此際瞻依切清夢猶馳漢苑春

其二

甘泉獵火接天齊塞路天寒雨雪迷李廣封侯慙射  
虎劉琨報主憶聞鷄關河殺氣摧楊柳沙漠烽煙困  
馬蹄爲報嫖姚寬比顧元功先遣拜瓊圭

其三

憶昔吳門秋可憐淡煙疎柳夕陽天青山易得芳時  
樂白雪難逢寡和篇茂苑舊遊孤月外橫塘新曲晚  
風前只今臥病雲山隔野水蘆花一釣船



其四

水落天空溽氣收微茫煙渚隔沙丘寒催砧杵千家  
月霜到關河幾樹秋聲斷塞雲聞鴈過光侵池草見  
螢流感時王粲心徒切獨倚荆南萬里樓

新秋感懷

酒罷高歌清夜闌年來猶自滯長安片雲將雨消殘  
暑斷鴈迎風動早寒鄉國渺茫勞夢遠江湖飄泊識  
交難欲歸未定緣何事短缺無心向客彈

贈陸郎中歸隱林屋

石林幽勝遠人羣清隱于今獨有君暑去未消岩下  
雪風來猶帶澗邊雲半窻月色留僧話一徑松陰共  
鶴分遙想北山著書處他年應不愧移文

西苑卽事

沉沉晝漏不聞喧緩步聽鶯出禁垣風送飛花來上  
苑煙含細草遶長門日邊鳳闕攢雲氣柳外龍池積  
雨痕滿路金貂賓從過共傳許史近承恩

巫山雲

十二峰頭暎晚暉非煙非霧轉霏微因風吹入襄王



夢帶雨亂飄神女衣野樹影中凝不散啼猿聲裏濕  
還飛不知秋去天如洗萬里悠悠何處歸

酬陳鳴野見寄

千里勞君問索居江空歲晚獨愁予  
穢緣嶺外無來鴈莫道天涯少寄書  
草徑秋深吟蟋蟀石池霜冷落  
芙蓉關河迢遞風塵隔兩地同看月色虛

送徐子明書記赴邊

赤塞塵沙迥未平多君意氣喜論兵  
已經楚上三年別還作雲中萬里行  
霽雪射鵬青海岸秋風走馬白  
狼城卽隨驃騎承恩澤猶勝共窻老此生

夏日同姚子玉費子文遊雲居寺

蒼煙白石滿空山野寺深藏亂竹間  
遊客謾隨清磬入老僧長對落花閒  
潭邊宿雨從龍去樹底殘雲伴  
鶴還盡日臨流恣幽賞披襟坐遍石苔斑

小浮丘閒居

門巷春深晝不關塔前蝸跡雜苔斑  
隣沽任可長留客市隱何須更買山  
有興獨尋芳草去無機唯愛白  
雲閒坐臨磐石看流水日暮空隨倦鳥還



偕姚唯之宿甘露寺

城頭山勢隱樓臺千古禪宮向水開  
帆帶暮雲歸海去風吹明月過江來  
幾宵清話分僧榻一片閒情付酒杯  
世事悠悠君莫問寒潮東下幾時回

秋夜與子伯話舊

石榻留君坐夜深蕭蕭秋意動霜林  
西風隔水誰家笛明月滿庭何處砧  
燈下一尊黃菊酒天涯十載故人心  
別來知抱憂時念握手驚看雪滿簪

隱居

隱君何必向山林松徑行歌散素襟  
門外蒼苔空客少雨中啼鳥落花深  
談玄喜就高僧坐對酒長呼孺子吟  
身似閒雲隨所適悠悠出入本無心

經易州界

塞北時聞鐵馬嘶薊門霜柳漸淒淒  
天邊野燒連烽火城下寒砧雜鼓鼙  
陰積草荒狐隊出平原風急鴈行低  
尊前不見悲歌客易水東流何日西

同徐子與諸君過顧司寇箬翁山樓

王世懋



卜築秋高萬壑陰空山白髮著書深長松老作虬龍  
態古磴閒從薜荔侵西望吳門縈匹練東迴若水寫  
鳴琴開樽復借儒生色倒屣誰酬國士心

橫塘春汎

吳姬小館碧紗窻十里飛花點玉缸蠟屐去尋芳草  
路青絲留醉木蘭艤山連暮靄迷前浦雲擁春流入  
遠江棹裏長干聽一曲煙波起處白鷗雙

秋遊牛首山宿團瓢菴菴在山巔勝絕晨起眺  
望還下山再飲僧舍

紫閣平臨百尺臺清秋八臥碧崖雷鬼千峰忽避江流  
出雙闕遙分曙色開捲幔雲來窺伏枕隔山鐘動喚  
銜杯扶筇亂拂蒼烟下縹緲諸天自重回

○夏日同表考功王祠部集吳氏水亭

聯鑣南去是新豐河朔情深市隱中公子壺觴能卜  
夜大夫詞賦有雄風城陰晚傍疎窓落潭影清涵小  
閣空此際接羅應懶着怕教歸路笑山翁

寄贈許奉常

茅堂卜築抱清溪雅勝偏宜玄女栖臺接長江憐鳳



去門裁碧柳愛烏啼風流六代人中識秀色三山酒  
外迷一自太常齋罷後那能不遣醉如泥

登北固山對金焦二山作

一上春山眼自醒海門東望去冥冥斷鰲誰爲分三  
足驪石猶疑到五丁隔塢花深侵夜白高城柳暗帶  
江青相看尚有風波色何日滄洲是客星

送陳太史奉使冊封岷榮二府

金泥玉冊麗江臯封拜祝承帝命勞使者千秋申帶  
礪詞臣三殿下旌旄陽臺色借青雲秀故郢聲迴白

雲間道連天洞庭濶君何處醉霜毫

夏日同黎惟敬梁伯李惟寅楊懋功丘汝謙

康裕卿曹子念集鄧園得山字

武陵溪水市朝間河朔深城勝可攀檻外生烟浮綠  
樹城頭過雨出青山荷香細納涼風入潭影徐收落  
照閒今夜鄉關清夢裡吳姬江上採蓮還

聞王百穀至却贈

百穀文故相袁公知每有羊  
曇之助重來京師意多感慨

燕臺蕭颯下冥鴻客散平津夜月空匣得隋珠還作  
淚掛來徐劍已成虹風塵暗失西州路氣色重開碣



石宮寶瑟自琤矜不奏問君竿調可兼工

有感

長笑何時向碧山歲華誤落利名關梅如輕別隨風  
下潮似多情帶月還攬鏡誰能饒白髮開尊暫許借  
朱顏欲如徐福尋蓬島縱未長生亦得閒

飲酒

菊間被酒竹間行待得雲銷看月明莫笑郎當鮑老  
態已知傾倒麴生情丹楓葉落分溪色黃鳥羣鳴雜  
雨聲曉起凭闌紵衣薄秋風吹夢墮江城

春日出舍

小窓惆悵度春朝酒態詩情未銷絮起渾疑風外  
雪溪深半帶雨餘潮開簾待月花香滿掃榻通雲竹  
韻遙竄喜舊時雙紫燕巡簷認處語相招

送別

洲畔蘆花到野橋曉風催浪伴歸潮醉中捉月憐波  
淺別後看雲恨路遙江月遶闌非故國霜華驚夢又  
明朝問君鼓枻游何處閒向髯翁試洞簫

閒居叙懷

月詩選

卷之三十一

四十五



塵中不厭前村月旅邸雖貧自往還栽柳卽疑彭澤  
畔看花殊勝武陵間泠泠曲澗常穿竹渺渺寒雲又  
過山無復塵埃留夢寐縱居朝市亦清閒

一拜將壇

寂寞遺壇客屢過無人說是漢山河已憐陵谷變遷  
久尚覺風雲隱見多勲業憑誰明帶礪功名從古愛  
烟波淮陽悔不終垂釣沛上空聞猛士歌

途次

滄江舊客此相過一片離心萬里波卽有榮華隨壞  
夢恐無情緒聽驪歌魚龍出没舟將動牛斗氣氤氳  
未磨明日思君向何處寒雲衰草望中多

草堂有感

試從樵叟問芳隣柯爛歸來局已新更憶花開曾爛  
熳空傳酒熟自逡巡公能獨樂如君實我欲幽棲似  
子真世事本皆長夜夢只今誰是未眠人

獨坐

坐榻蕭閒似早秋蟬聲竹韻更相留吟詩不覺衝京  
尹束帶何堪見督郵椒局欲分憐楚漢椰瓢初挂憶



巢由祗應山叟知名姓麋鹿隨來到處游

渡關

時赴故人桐廬尹之招

方攸躋

飛雲萬疊到峰巒飲馬泉流且據鞍南望鯨鯢蒸海  
氣北來衣劍入秋寒支離道路家仍遠憔悴江潭淚  
未乾踪跡何勞關吏問富春灘上訪魚竿

太末懷歸獻二兄

卽向滄江覓釣絲莫將蹤跡道旁疑世情眼底秋蕭  
索芳草山中歲別離亂後朋遊疎舊社歸來風雨聽  
別詩相思何限池塘夢藜菊泥杯好共持

酬徐子九日築塘之作

十畝園林擬辟疆初分曲水值重陽荷鋤帶雨疏新  
溜壘石銜階築小塘卽有薜蘿相映發旋看鷓鴣自  
迴翔新詩不少臨池興更約登高泛菊觴

冬日同朱希程徐實夫集米氏昆玉宅

迴唐夾路紫苔斑拜石風流尚可攀入座朋遊傾北  
海開簾草色引南山霜前把菊偏生態客裏琴尊足  
破顏勲業百年須汝輩余將投老武陵灣

寄余德甫年友



榜福都門早掛冠章江歸去老漁竿  
寒帷南越鯨波靜高枕西山劍色寒  
世上虛名悲燕雀秋來幽谷憶芝蘭  
樵川倚杖霜楓暮萬里愁心寄羽翰

贈皇山人姚舜咨

李文麟

家如顏巷一瓢餘入室猶看滿篋書  
仙夢多迴茶熟後生涯獨念歲寒初  
論詩已自超凡象正字逢人辨魯魚  
白首曾期雲外賞煩君先卜鹿門居

登第後不得便省張然有感簡二兄及弟

共憐綵服舞庭前忽造金門去日邊  
帳裡衰顏經歲別愁中長日幾迴眠  
人於雪後黃河渡書到秋深白雁傳  
正藉茅生雞黍奉令人忘却得歸年

○其二

偶沾微祿愧疏臣却憶田園念所親  
萬里還鄉常在夢一身作客幾經春  
天邊遠樹迷征路江上歸帆只送人  
坐對謝家池畔草悽然吟就一傷神

石村陳子初至舍下晚拉予登舟同諸公飲

霜前擁篲柴門迥郭外褰裙江樹幽  
仲舉久懸徐穉榻賀循今上季鷹舟  
冰河疊浪奔鳧渚星野扶城結



蜃樓兩地艱難惟此會論文載酒共淹留

鄴下贈謝山人

余應舉

別時冰雪滿河梁別後春風草色芳  
落日重逢漳水曲停車一醉酒壚傍  
貧從兒女憐生事病把詩篇苦  
鬢霜異代因君論作者何人不忝孟襄陽

夜飲萬考功宅

萬里重鳴闕下珂故人門徑復相過  
薄遊可柰紅塵甚不飲其如白髮何  
仙掌秋風寒欲寫客懷明月醉還歌  
功曹見說閒書記懶慢誰曾叔夜多

張吏部席上留別得秋字

明發孤帆又楚州華陽不惜此淹留  
星辰歷亂開尊夜蘿薜陰森別院秋  
白壁向人多按劍黃金闕世幾披裘  
亦知平子逢時思莫爲羈人賦四愁

病中偶述

霜天寒日照藜床身世都從病裏忘  
晏起杜門無俗駕清齋高枕有名香  
乾坤未厭新戎馬歲月還看老驢驢  
衰白主恩何以報不因留滯比馮唐

匡齋斗西二丈見過賦謝



雲暗江城二月花閉門空自惜年華與來高枕青山  
出賦就新篇白蛤斜盃外物情還燕雀人間道術信  
龍蛇夫君不並尋幽駕誰同蓬蒿仲蔚家

答張肖甫見訊

風塵歸後遠人羣不遣凄其頰上聞驄馬殷勤憐楚  
客雙魚迢遞到江濱年光暗覺隨流水世路何妨臥  
白雲獨有明霞餐未盡將因千里報夫君

苦熱奉簡子深用晦二丈

江國朱炎酷未平火雲長日薄柴荆詩篇且就鑿冰  
句車馬誰爲觸熱行無計天漿回病渴多時箕踞  
逢迎君家二阮風流在爽氣常浮玉塵清

懷姚鳳麓謫居

李 裴

自從東郡別君侯不復題詩上酒樓故國鶯花牽客  
夢大江風雨動人愁春陰漠漠魚龍臥夜氣寥寥浦  
溆幽此日憶君腸欲斷况聞消息又黃州

同丁尹登齊山晚歸汎舟清溪

江城積雨黯霏烟盡日無人水接天偶有清觴留上  
客便從遠浦聽鳴舷香花僧室看成翹籬落山家秋



可憐不用題名劔斷石古今踪跡總塵緣

○夜過揚州

半夜揚州倚棹過起看江北舊山河吹簫事往餘明  
月跨鶴人歸空遠波白浪風高飛舳艫畫樓天靜落  
笙歌紛紛衰柳行人淚欲賦蕪城意已多

赴崑山留別兵曹諸丈

王用章

濟時全仗出羣才安攘訐謀次第裁共策勛名登畫  
省還期圖像上雲臺羽書西北堪長慮民力東南可  
重哀別後相思何處寄祇應清夜望三台

駕幸西山九龍池擬作

沈仕

容衛森森御路迴六龍驥首下蓬萊山驚輦過雷霆  
激池喜天臨日月開千柳似迎汾宴啓萬花如護鎬  
京來明良擬欲誇昭代愧乏王褒作頌才

施恒齋工部臥病省中詩以問之

方新

仙郎何事不朝天偃蹇風塵病未痊花下焚香鶯共  
坐省中欹枕月同眠相如賦興愁偏好杜甫詩名瘦  
益傳我亦東窻剛病起緘書爲寄白雲篇



西湖景

西湖形勝帶皇都縱目秋原興不孤  
水接銀河浮太液山橫紫閣落平蕪  
一聲斷鶯天同遠十里蒹葭路  
轉紆惆悵王維情不盡濡毫重擬輞川圖

送楊別駕赴調青州

東方形勝古營丘五馬看君托乘遊  
地接扶桑知日近城懸碣石與天浮  
揮毫久已淹書記對酒還應鄙  
督郵自是仙才能傲世謾從方外覓瀛洲

贈孫獨山擢貳處州

三載絃歌遍武城忽傳露冕越中行  
雙鳧已得神仙秘五馬同膺刺史榮  
山繞栝蒼春樹遠水浮松渚暮  
雲平登臨爲有陽冰興羸得人傳吏隱名

9次莊浪作

莊浪秋水泛驚濤漢使西征望日勞  
日落墩臺嚴斥堠雲連粉堞擁旌旄  
天涯有淚河流急故國無書鴈影高  
祇爲幕南功未就風塵又上鷓鴣袍

登重雲閣望雲頂凌霄羅漢二峰

終南山色鬱青蔥高閣凌雲一望空  
萬壑交流如競



爽三峰並峙欲爭雄振衣已出塵埃外拄杖時穿霧  
靄中爲訪神仙何處是不知身在碧琳宮

商顏道中

予以上言時事放歸田里時過商顏感而賦此

路入商顏帶洛河孤亭回首倚嵯峨上書偶與昌黎  
合解綬遙從丹里過臣罪當誅惟自訟帝恩難報總  
宜歌故園况有新畬在種秫何妨歲月多

東還遊華山紀興

十年曾見華山圖此日何緣返故吾稅駕漸看塵世  
物衣真與野雲孤風含水洞從喧寂日擁烟嵐乍  
有無一笑希夷如可遇何須乘鶴到蓬壺

又

常愧登山不識山如今始得恣躋攀烟霞已蛻神仙  
骨木石寧違處士顏坐定此心無外慕行吟隨處有  
餘閒回頭爲謝山靈意不惜清風送我還

題王四瞻美山

沈明臣

洞門幽徑絕塵都翠壁紅亭總畫圖山影到池萍葉  
斷花枝垂地石闌扶仙人吹玉雲中起帝女將金埒  
上鋪欲吊闔閭蒼莽外西施空與醉姑蘇



奉寄大將軍戚公元敬

漢將行邊萬馬嘶，雙懸金印靖雕題。  
地浮珠海連三越，天盡烏蠻過五谿。  
南紀定新標，日月西人應共泣。  
雲霓春風帳下歌，鏡吹早晚乾坤罷鼓鼙。

同郭次甫江上遲曾使君不至時宿雨忽霽

朱永年

遠游留滯客，荒城一夜離心芳。  
草生常候殘潮迴，野艇只愁涼雨暗。  
深更捲簾江上青山出，開閣天邊宿靄明。  
孤館燈消人散後，恍疑落月夢初驚。

獨往爲郭次甫作

早辭塵俗入深山，初髮行歌心自閒。  
躡坂隨風吹月上，披雲洗藥古松間。  
赤文常辨三天字，石髓應探九轉還。  
此去流沙長不返，遙瞻紫氣到秦關。

與郭次甫夜話懷金二

朔風蕭瑟送寒潮，窮巷何人慰寂寥。  
綠酒醉來逃綬冕，青山歸去賦鷓鴣。  
殘燈照夜孤鴻杳，皓月澄江一水遙。  
明發有懷俱不寐，何時雞黍共相邀。

龍潭道中曉行



自憐蹤跡媿生平歲暮荒郊匹馬行  
樹杪凍雲隨葉落山頭殘月逐人明  
寒原漠漠飛鴻盡古戍蕭蕭朔吹驚  
京室顧瞻民悴止伯鸞無限出關清

送谷明府還歷下

高才脫畧漢公卿何事依依意未平  
常共閒雲棲古寺獨騎羸馬過荒城  
關河水帶春潮綠驛路山橫暮雨晴  
稷下風流勝文藻爲余長揖謝諸生

二侯子夏日見訪

嗟予結首臥煙霞五畝荒園處士家  
倦鳥依雲時出岫幽泉瀉澗半浮花  
山深白晝無車馬雨歇松梢滴露華  
誰倚揚雄學竒字祇應呼酒對侯芭

吳用時相訪遽別作

栽桑種竹在交蹊萬事無心酒一卮  
隱几窻前聽好鳥捲簾池上奕殘碁  
閒居能賦慙潘岳醉後哀歌和漸離  
青眼故人欣握手一麾相別易成悲

秋日江上

楓林影裏白雲殘梅福都門早挂冠  
到岸谿聲欹枕聽隔江山色捲簾看  
霏微灝氣金天爽蕭瑟清秋玉



露團何事靈均悲失職獨行幽谷詠芳蘭

慰民止諸兄下第

落葉紛飛一棹東濛濛  
細雨逐西風  
驚心又是三年  
夢獻賦虛傳七札工  
欲采芙蓉秋草蔓  
誰言驥裏驥  
羣空蕭條歲晚青衫弊  
長劍還看氣吐虹

送方子瞻

潮平岸潤見江城  
雲裏孤帆繫客情  
豈爲浮名傷遠道  
獨憐竒節負平生  
夢回落月人千里  
夜對寒燈鴈一聲  
歸到故園逢歲暮  
梅花殘雪掩柴荆

夏日同何元朗金子坤郭次甫過天界寺

霏霏柳雨濕青林  
長夏蕭然灌木陰  
花掩禪房苔滿畫  
淨鐘鳴梵閣入雲深  
清泠石溜迴紆徑  
蒼翠嵐光下遠岑  
自是平生戀空寂  
况逢勝侶愜幽尋

月夜過燕子磯

青山杳杳孤帆逝  
落日天邊芳草生  
清景高懸松際月  
飛流直下石頭城  
盤崖接漢岫  
蘿暗綺閣憑  
虛拂雨晴暝色催鐘投古寺  
故鄉回首暮雲平

冬日移居江上



朔風搖落靜郊墟棲息衡門自晏如開徑但期延二  
仲下帷將欲競三餘東郊種黍欣逢歲南郭吹竽懶  
曳裾永夕陶陶誰共話祇應懷古獨躊躇

春雨初晴出郭臨眺

隔岸春雲送雨過半江流水淨涵波柔條細縷牽情  
遠紫萼青附惹恨多野寺尋幽驚草綠芳郊騎馬覺  
風和朝陽盡捲寒巖霧萬井煙光柰夕何

七言律詩卷之二十七終

盛明百家詩選卷之二十八

金陵蘭嶠生朱之蕃選授門人周時泰校梓

七言律詩

二百二十一首

冬日駕幸大峪擬作

吳擴

虎賁千隊出京畿萬騎龍驤遶翠微  
山色遙迎明主憶爐香偏惹近臣衣  
雲成葦葢當空飄雨作天花  
傷輦飛共羨陽春敷草木宸遊萬壽願無違

○崔駙馬山園遊宴

平陽池館接青霄閨苑瀛洲路不遙  
帝女巧將霞製



錦仙人長以鵲爲橋樓前疊石雲生座洞裏探梅雪  
滿條夜醉幸同詞客賞月明還聽鳳凰簫

陪王夔谷蔣南冷陳五山諸公焦山遊宴

仙嶠桃花錦作叢明霞千疊照龍宮逍遙雲漢慚高  
士領略江山有數公蓬島直疑帆影外笙歌半落水  
聲中行春草藉尊前醉一笑浮生總雪鴻

春日訪時川姜憲副山莊

鹿門高臥謝塵氛春日東山一訪君楊柳千林絲綰  
霧梅花萬樹雪和雲閒中歲月還堪賦病後尊壘却  
易醺攜手夕陽飛鳥外劃然清嘯四山聞

同華許諸君橫塘舟中漫興

四月溪深花氣微遠烟明滅閃晴暉柳條蘸水碧於  
染麥穗連雲黃不稀雙燕掠波分畫棹片霞生雨灑  
春衣同舟况是高陽侶汗漫三江未擬歸

偕湯都督遊茅山

繡壁巉巖路百重宿雲飛盡見三峰泉生碧沼明珠  
媚樹簇仙樓翡翠濃笙鶴忽遺瀛海馭風雷長繞石  
壇松遊遨願假茅君術攜手青天騎白龍



錦仙人長以鵲爲橋樓前疊石雲生座洞裏探梅雪  
滿條夜醉幸同詞客賞月明還聽鳳凰簫

陪王夔谷蔣南冷陳五山諸公焦山遊宴

仙嶠桃花錦作叢明霞千疊照龍宮逍遙雲漢慚高  
士領略江山有數公蓬島直疑帆影外笙歌半落水  
聲中行春草藉尊前醉一笑浮生總雪鴻

春日訪時川姜魚湖山莊

鹿門高臥謝塵氛春日常訪君楊柳千林絲綰  
霧梅花萬樹雪和雲閒中歲月還堪賦病後尊壘却  
易醺攜手夕陽飛鳥外劃然清嘯四山聞

同華許諸君橫塘舟中漫興

四月溪深花氣微遠烟明滅閃晴暉柳條蘸水碧於  
染麥穗連雲黃不稀雙燕掠波分畫棹片霞生雨灑  
春衣同舟况是高陽侶汗漫三江未擬歸

偕湯都督遊茅山

繡壁巉巖路百重宿雲飛盡見三峰泉生碧沼明珠  
媚樹簇仙樓翡翠濃笙鶴忽遺瀛海馭風雷長繞石  
壇松遊遨願假茅君術攜手青天騎白龍



和張秋官詠雪限蘇長公舊韻 張士瀾

兔園此日眩歸鴉。縞帶輕翻逐小車。跨蹇有橋通客思。巡簷無樹認梅花。一庭帶月侵宵幌。幾點隨風過別家。忽訝竹枝當逕折。呼兒攜杖手交叉。

吳門送王伯熙之楚赴孫漢陽之招時余將入

粵

陸弼

楚粵春烟隔杳冥。天涯分散可堪醒。月飄漢水孤帆白。雲落荆門萬樹青。卽有鄭莊稱結納。豈知王粲感漂零。尺書倘爲題霜橘。鴻雁南飛是幔亭。

謁于肅愍公墓

荒墳隣近鄂王宮。異代孤臣伏臘同。北狩忽聞哀痛詔。中興多仗保釐功。百年天地回元氣。五夜松杉度烈風。聖主祗今恢廟略。玉門聞已罷和戎。

入閩關

羣巒馬上俯崔嵬。海色遙臨睥睨迴。萬里職方周地盡。千秋風氣漢時開。危峰春晚常吹雪。急峽天晴忽起雷。聞道粵南猶列戍。將軍誰是伏波才。

富陽舟中七夕



雨歇楓林涼氣生，天涯瓜果共婁清。孤舟此夕看牛女，多病何人念馬卿。高枕白雲秋色淨，推篷落木大江平。故園回首空明月，多少青樓怨別情。

抵家喜會社中諸友

竹林歸日有諸君，尊酒相看坐夕曛。白髮故能欺倦客，青山猶足慰離羣。邊淮葉落千砧送，平楚烟寒一鴈聞。賦後孤城明月在，誰能不憶鮑參軍。

送戚進士世秀請告歸泗州畢姻

卷之二

歐大任

金門詔許出關遙，淮水乘龍意氣驕。鷓鴣青雲隨去騎，鳳凰新月在鳴簫。花搖屏燭春開宴，星引天津夜度橋。想是聽鷄還戒旦，含香催入聖明朝。

南溪泛舟遇雨客有懷江南者共賦中字

城西陂上晚溟濛，越客扁舟望不窮。渭水雲沉波色裏，長楊秋在雨聲中。乍飛鶴子翻池白，欲盡荷花墜露紅。多少燕姬愁翠黛，共將離思寄江楓。

同邢太史陳明府楊山人姚使君集姚鴻臚市隱園翫梅花得東字



新年春色滿簾櫳翠羽繽紛遶幾叢莫以羅浮疑嶺  
外且看姑射在江東瑤華片片非因雪玉貌盈盈不  
避風却憶何郎清詠處揚州高閣白雲中

入攝山訪棲霞寺慧光上人

蓮社曾書發願文青山今日始尋君錫分阿耨池中  
水鉢覆頭陀石上雲花落經從桐院讀燈殘鐘向竹  
窓聞遠公莫笑攢眉客一入東林亦不羣

送江山人遊大梁訪詩友

丁一中

青萍逸氣繞天涯只問名山不問家聞道梁園偏好  
客一正途江總欲停槎采風夜夜春寒中苦草  
重花鄴下從來才彥集知君此去撥瑤華

陳春宇太史聞余談衡山之勝有作因次韻答  
之

梁 孜

七十峰頭一探奇素心元與白雲期山僧解說談經  
石樵父能傳治水碑峭壁迎風蒼樹合懸崖蔽日古  
藤垂褰中勝絕應難賦榻管多慚白雪詞

憑虛閣酬秋厓方丈

金 鸞

古城迢遞俯清溪高閣憑虛引御堤涼雨乍收千樹



淨夕烟初起萬家迷空垂白髮悲前事重對青山憶  
舊題猶自樂遊虛故苑碧桃飛盡草萋萋

懷天界瑤師

三年不見葦航公潦倒江湖鬢若蓬地遠每憐蹤跡  
異時違應念甲庚同慣牽短夢南山雨頻擬疎鐘北  
寺風何日重攜老居士石牀秋蘚坐談空

感燕

故園門巷近烏衣但見花開燕子飛一自天涯與相  
別可憐春盡未知歸綠楊庭院傳聲杳芳草池塘顧  
影稀何處脩梁更堪寄日斜江上倍依依

送章容菴之任西川叅軍

客館逢君君且行天涯歲晚重含情迢遙江水二巴  
路悵望星橋萬里程沙鳥夜深仍北向塞鴻霜冷更  
南征西川節度今嚴武莫道爲儒厭講兵

酬保定總兵招遊靈谷寺

半山蒼翠鬱森森白日平鋪十里陰扶醉出城便瘦  
馬破忙移席就幽禽草荒四壁僧堂古花散千巖法  
宇深幸託軒車附韋布野亭春暖共追尋



寄吳七泉

燈前對酒經年別江上看雲此際情  
鴈陣影疎天更遠鳳簫聲斷月猶明  
風流故態行應健潦倒閒篇想未成  
何日齊雲重相挈白羊隊裏訪初平

再過劉月川莊居

馬首西連返照還斷雲將雨過昭關  
坐分花氣疑臨水行愛鶯聲更入山  
魚鳥已通前夜夢風塵盡改昔時顏  
野田舊路猶能記十里蒼巖萬木間

登齊雲巖

春水桃花路不迷却從白岳望丹梯  
靈風乍拚絕頂伏宿雨初昏虎豹棲  
滿地石羊呼作隊入山瑤草種成畦  
此身更欲窮何處獨立中天萬壑低

清明客京口袁兩峰山樓值雨

他鄉逢節正淹留海色江聲共入愁  
南去烟花迷楚苑北來風雨徧揚州  
林深白晝常疑暮春老餘寒半若秋  
村酒有時來地主野花無語對山樓

秋興

秋高閭闔帶輕烟迢遞孤城接楚天  
紅葉漸深傳鴈



信白沙初冷抱鷗眠閒愁底事頻書咄沉思何人復  
草玄不道生涯近無那廢湖猶有種魚田

又

天際浮雲入思深物情生態看銷沉南朝臺榭多于  
昔東晉風流不似今背嶺夕陽明遠燒隔江霜葉下  
高林西風蘭芷還堪把擬向孤琴結短吟

西湖岳少保墓

徒使將軍志滅金宋家元不念徽欽臨危叩馬書生  
口立主班師宰相心膏血已隨魚肉盡關河猶見犬

羊侵崖南舟楫湖邊墓山鬼何知恨到今

題張十二兄草堂次遂翁元老韻

主人茆屋亦經年曾採西江竹數椽四壁圖書成雅  
集五更風雨入幽眠園林不緝花常滿車馬無驚地  
自偏誰更高情似張旭疎狂都作飲中仙

除夜客和陽僧舍

獨煨餘火向天涯僧舍逢春有所思百里是家歸未  
得半生如夢醒何時空堂坐久殘年逼短角聲乾子  
夜遲遙想清燈對杯酒小窻兒女憶還期



哭壽州范子

故人不見范西河零落河亭舊釣蓑宛馬到時芳草  
盡杜鵑啼處落花多祗緣鍾子琴堪廢誰道張華劍  
可磨萬畝湖邊一杯酒春風愁見起微波

簡新安泖溪程子

與君別來有幾年笑我相逢無一錢多病文園今老  
矣窮途阮藉終陶然燒燈對酒夜不寐着屐尋山春  
可憐桃葉渡邊游女出還能歌舞上吳船

新安道中寄懷諸舊日

故嶺重經楓葉凋旅懷蕭索伴歸樵冰霜在道無千  
里肌骨侵寒已半消石面亂雲隨馬度樹頭殘雨逐  
人飄翻思前後溪亭別窈窕清商酒一瓢

再過吳少叅隱居

十里平疇水一灣白雲疑在杳然間彈棋客至方移  
席問字人來始扣關勛業舊傳裴綠野風流元許謝  
青山城中亦有西園約爲惜高情數往還

留宿葦航方丈

山僧坐臥一枯牀信宿相留共此堂竹裏候涼秋漸



爽燈前聽雨夜初長風塵少見安閒地醫藥多存老  
病方莫謂無生翻有碍十年踪跡在滄浪

酬田水竹

憐君自負好襟期不使閒愁入鬢絲山寺夜遊無宿  
酒草堂日賦有新詩家貧祇許書連屋秋盡還應菊  
遶籬何用別來頻問訊西風滿眼是相思

泊安慶

小舟未繫已三更尚隔舒州十里程銀漢漸傾秋水  
冷玉蟾將吐夜潮生出鄉地遠書難致澤國天寒夢  
屢驚何待東風多用力一囊詩草半帆輕

泊潯陽悵望蘄州谷明府蘿壁

遙對西風首重搔美人猶自隔江臯不知漢水千尋  
廣空見廬山萬仞高紅葉映天惟鴈度黑雲歸樹有  
猿號琵琶莫訴江州怨一夜清霜滿鬢毛

馮少宰山庄宴集酬乃弟稚山上舍

沿市湖邊水漸平煖風吹送落花輕一春苦雨空啼  
鳥十日看山幾出城席地放歌酬勝會仰天長醉笑  
狂生午橋舊有裴公墅漫屬羣賢紀姓名



山房葺完雜興

李元昭

烟雲低覆石林平，鑣轂遙違野築清。  
香借隴梅鋪作榻，翠分巖竹結爲楹。  
通蹊更暢栽花興，引水仍娛灌藥情。  
燕雀不嫌棲息陋，飛鳴猶似賀新成。

村居寄王雲谷

李元昭

綠竹紅蕉茅舍清，幽棲真不羨簪纓。  
春娛谷口耕雲興，夜暢溪頭釣月情。  
鮮折梨花宜釀酒，嫩攀芹葉好炊羹。  
從教陸海翻塵浪，高枕南窗睡不醒。

春雨

平圃春耕芝朮芬，岫巖高臥鹿麋羣。  
花陰澆潤流澗壑，雨竹棟陰森宿海雲。  
挂壁嬾看秋水劍，開囊閒誦鳥蹄文。  
謁來倘馭浮丘鶴，爲覓玄霜訪少君。

泛溪

白面蒼髯臥海涯，短袍高笠泛仙槎。  
沙中鷗鷺翻晴雪，水上虹霓變晚霞。  
野笛何妨吹葦葉，山杯况復飲蓮花。  
盤遊隔浦聞鷄犬，不道桃源去路賒。

贈大光和尚

眉含珠火大敷光，照徹羣陰會九陽。  
身外有身堪了



了色中無色可忘忘神龍夜遶談經席慧鶴朝窺演  
法牀從此不須思面壁本來覺處卽空王

村居寄丁端峰

竹院茅堂晝掩關  
瑯門畫戟懶追攀  
且教紅葉留秋色  
莫遣黃花落晚顏  
鏡裏星垂知鬢改  
尊前雲遶見心閒  
期君早謝冠裳累  
共我長吟水石間

遊虎跑山東靈峰上人

飛鴻懶馭駐遊軒  
笑躡青蓮霞外行  
潭淨蛟龍盤樹影  
巖虛鐘鼓奏泉聲  
塵心已向金繩悟  
幻跡應從寶鑑明  
嘯傲何須論解脫  
宛如身歷梵王城

獨坐

解組幽棲丹壑深  
蓬頭長日罷招尋  
烟霞更愜歸田興  
水月應諧出世心  
隔徑輕簧調鳥語  
當門冷翠結松陰  
鳴絃寫徹陽春曲  
惆悵何人是賞音

靜

山居窈窕慰藏修  
終日齋心坐水樓  
空裏塵飛看若霧  
穴中蟻鬪聽如牛  
冥冥跡與洪濛契  
默默神同混沌遊  
從此已知超劫外  
更須何處訪蓬丘



山中寄淮陰葉遂溪吳射陽二社長

紫竹編門晝未披，斑鳩刻杖老堪支。  
塵纓始覺槐根夢，僊馭應懸鶴背思。  
爨下焦桐徒自惜，懷中垂棘竟誰知。  
逢人問我幽棲興，萬疊蒼山對酒卮。

福惠山聽講兼柬幻居法師

葱葱珠樹遠祇園，耿耿金繩披梵筵。  
龍爲聽經離遠海，鶴因護法下遙天。  
玄霜白雪皆非道，翠竹黃花總是禪。  
若遣浮雲恒滅盡，會看明月印諸川。

又

松巖日暎慧燈明，竹澗泉調梵樂清。  
滅跡疑登般若筏，冥心似造涅槃城。  
一靈悟處元無語，萬法忘時詎有生。  
可惜巴歌和彌衆，更誰能解郢中聲。

九日登許員外山亭得葵字

仙人華館九霄披，勝覽仍乘青女時。  
當坐海雲停若蓋，隔簾山雨散如絲。  
玉尊暖泛迎霜菊，銀鼎香調帶露葵。  
興劇何妨重秉燭，歸途未惜馬蹄遲。

甲寅書事

旄頭耿耿射雲中，太史遙占釁起戎。  
百里晝飛妖祲



墨千蹊宵聚鬼，燐紅伐謀未必乖。  
長技禦敵還須建，遠功廟樂祇今宣。  
大武乘車何處覓，非熊

春日醉臥

山家無曆不知春，但見瑤衡復指寅。  
逐世似非巢樹叟，耕田疑是鑿坯民。  
林花弄色看仍舊，谷鳥調聲聽更新。  
縱飲何妨賢聖醉，高眠應與斗牛隣。

郊外晚行

岸幘凌風雙鬢蓬，西郊散步獨支筇。  
白憐河影雲中淡，青愛山光雨後濃。  
每託琴聲宣逸調，常憑酒力助衰容。  
秋來自怯山袍弊，旋采殘荷待月縫。

雲遊還山東一二隣曲

嬾逐雲遊歸舊山，蕊珠翻徹掩柴關。  
夕陽半嶺鳥聲亂，春草滿庭人影閒。  
綠酒且教娛野興，丹砂聊遣駐顏顏。  
懸知閭圃三花秀，不阻飛輪猶可攀。

山中閒適

散袒秋風酒乍醒，窓間拋却種魚經。  
攜筐上谷攀雲母，荷鍾中林劓地丁。  
靜去觀心猶勝月，閒來檢髮漸如星。  
泠然自覺銷諸妄，獨抱玄珠遊窈冥。



遊五雲山

海上樓臺烟霧  
嶮嶽磴道杖藜遲當巖古樹如蚪  
偃向浦奔潮似  
馳野醞且教分石髓山肴聊遣割  
松脂徘徊自愜探幽興何必尋真入武夷

方郡伯童憲副偕集沈山人宅復開舊社次韻  
五馬歸來笑語同浮蹤已定不隨蓬幽情每寓朱琴  
上俗念常遺綠竿中舊燕啄泥將作壘新篁迎雨漸  
成叢相逢幸復開蓮社此日何由得遠公

宿張少嶽山樓

山樓窈窕淨塵氛野思綢繆坐夜分展榻且教延  
月收簾莫遣礙飛雲花前嬾試虹霓劍竹下閒談龍  
虎文此夕林泉宜盡賞天涯鼙鼓不堪聞

秋日閒居寄遠禪師

星杓西指夜初長漸覺莎雞啼近牀松葉霧縈溪徑  
晦桂花風綻洞扉香消間接紙修琴譜治病濡毫訂  
藥方恠殺山童懶尤甚滿階狼藉禹餘糧

唐太史荆川晚過村居留飲

薄晚仍過長者車沿村更問野人廬呼童挈甕旋沽



酒欸客投竿方捕魚月影相牽林影亂風聲互答水  
聲虛瓦爐香裊逸情暢閱遍窓間蚪蚪書

村晚答陳山人

斷壁藤蘿垂暮陰空林絡緯俟秋吟坐臨島月翻黃  
卷眠傍溪雲枕綠琴榮辱皆因生幻體悲懽盡是滅  
真心年來灑掃何多懶門外風飄松葉深

林下東沈山人

務壑霞峰展畫圖槿籬茅屋著潛夫爐攢宿火煨紅  
子甕汲清泉灌綠蒲蝶螻傍晴川上飲鴝鷄臨晚樹  
中呼而今悟得空王理喧寂俱忘只自娛

尋濟陽黃海岳不遇

馮惟敏

欵段衝泥日易斜經旬纔上小清槎旋呵彩筆題雲  
樹自把瑤卮對雪花叔度雅懷能忘物春申豪氣不  
謀家無情最是山陰月也伴歸人到海涯

送嚴石溪博士

蚤年已著進賢冠遲暮無嫌憇一官爲謝山窻憐我  
病定知詩酒繼君難流澌夜渡風穿袖古店晨興月  
滿鞍珍重臨岐仍握手相將仗策入長安



訪郭五遊不遇

占得名山最上頭，下方環抱大江流。  
禪房空鎖陳蕃榻，道岸先登郭泰舟。  
鎮日煙霞成變幻，兼天波浪任沉浮。  
幽人不是甘岑寂，好鳥間關足唱酬。

柬招郭五遊

幾度尋幽不厭頻，清江浩蕩隔風神。  
郡齋亦有談玄處，城市非無大隱人。  
壁水橋邊春雨滑，日精山上夏雲新。  
光陰流轉渾無賴，到此閒行任爾真。

夜登金山絕頂

亭在卅霄第幾層，翛然吾與月同升。  
望中更覺天無際，立處惟愁地不勝。  
風靜沉沉聞梵磬，雲開隱隱見漁燈。  
吏情最喜滄洲近，欲託幽棲恨未能。

曉山攜榼客署詩以謝之

其是悠悠客裏身，天涯相對自相親。  
山城趨走風光轉，官署徘徊柳色新。  
元亮有情傳綠酒，鄭虔無俸買青春。  
清明前後霏霏雨，觸目鶯花冷笑人。

石頭城有懷

石頭城下進寒潮，靜聽疎更夜寂寥。  
生計已拚尋舊



隱窮年猶自滯歸橈空悲浪迹淹三楚無復傷心問  
六朝城裏故人知健在何時散步度江橋

俠者

徐渭

縣門一見不通名入肆開尊俠氣生却說吳中姓梅  
者曾過燕市吊荆卿路逢知己身先許事遇難平劍  
欲鳴自古英雄成濟處也應君等爲橫行

白燕

閒庭盡日見還稀院院梨開去漸微別殿幾年埋玉  
塵舊人何處認烏衣春風水面徒聞語夜月梁間好

美輝安得姚家紅線縷却看片雪帶花飛

又

西飛歲歲候青陽花發名園何處藏天子郊禩呈瑞  
色主人臺榭有輝光輕翰掠雨綃初剪小尾流風練  
愈長萬里東歸看易沒海天元是白雲鄉

落花

吳姬靨碎砌痕丹越女腮媽曙色寒下急共知辭樹  
易去遙定是返枝難千門細雨陰晴換萬里浮雲天  
地寬莫向御溝隨柳絮漫空作雪蔽長安



齊雲岩

嘉靖間  
勅新之

漢京何用記神君  
福地僊居處處聞  
懸水千絲非雨散  
層山百葉是蓮勻  
鋪明上與毫光合  
瓦碧平將樹色分  
慕道無如明王切  
萬年應馭鼎湖雲

嚴江茅大夫鹿門見贈賦答爲別

漢將移軍細柳營  
每從高會聽鳴箏  
惟應落帽當筵醉  
那取從軍載筆行  
彩鷁停風維曉岸  
斷鴻隨雨入秋冥  
江堤芳草霜中盡  
明日將誰寄別情

北上別丁肖甫於虎丘

少年同學並青氈  
一劍孤飛何處天  
別後相思共向來  
心事尚難傳  
樹連古道冬催雪  
水泛寒燈夜泊船  
自是陽關歌不得  
祇憑尊酒醉君前

徐州道中寄諸陶兩翰君

敝裘短策去翩翩  
昨奉離觴似隔年  
目送浮雲悲遠道  
心隨飛鳥向遙天  
河流遶岸紛成渡  
馬驟將塵踏作煙  
客裏自甘如此景  
不堪持贈玉堂僊

登鎮岱山樓

宗室健根

四十年前此一登  
重來筋力倦難勝  
古今岱嶽仍雄



詩遠近人家幾廢興背壁寒花留晚色斷灣秋水弄  
霜澄憑闌不盡登臨興歸路通衢半已燈

送部北溪分憲關中

青瑣含香舊逐臣憲臺分陝拜恩新自緣明主思賢  
士不許循良借魯人華嶽曉雲明豸錦函關紫氣迓  
征輪轉憐此去三千里安得黃河十丈鱗

與戴節推話

宗室觀樞

綠陰深處動卿雲聚首深憐日易曛氣入芝蘭元自  
合光分鳥雀喜同羣當筵松影清無間隔院花香靜  
有聞對語傾心渾不盡探玄重啓玉函文

挽琴士張良玉

聞道琴高乘鯉遊人間從此大音收荒臺日落鶴空  
聽幽壑雲深水自流遺曲誰傳絕代譜鳴蟬空老一  
庭秋可憐辜負鍾期賞風雨年年山鬼愁

別詹生南歸

淪落禰生悔壯遊武林殘月夢歸舟鄉心激切輕千  
里行色蕭條有一裘枯柳尚牽離別恨凍雲不解歲  
寒愁欲知此後思君處山館塵生榻未收



首夏遣懷

造物相看情頗親百年元是一閒身風塵混迹寧由我歲月勞形總爲人花外雲光當戶亂雨餘晴色捲簾新對時自愛清和景半榻名香別有春

重陽前三日漫興

疎鴈殘霞霽景空滿天秋色到簾櫳千郊雨足麥初播萬國舟停河未通一笑世情拋度外十年舊事戀胸中流光轉盼重陽近又發黃花四五叢

又

菊含蓓蕾雨初收梧葉霜遲碧尚留雲物有時堪興風煙何意不銷愁市廛調遣空滋弊田野租庸困未休眼見乾坤多事日愧無奇策報交遊

中秋過天雄同謝茂秦集元美舟中夜半至館

陶別去

顧聖

平堤煙柳暮蒼蒼相對吳歌卽故鄉百戰東南愁轉劇幾年漂泊話猶長櫓搖深夜波如練簾捲中秋月似霜樽酒論文共王謝醉來分手亦霓裳

東郡別鄒子序入鄴



送君漳浦歎離睽此日相逢手重攜  
蹈海曾連非爲趙談天鄒衍尚留齊  
高樓倦倚寒雲斷長缺悲歌曉月  
征何日扁舟尋舊隱放歌同泛越  
來溪

雪後登鄴城樓懷新昌王

雪盡高樓萬里天客裘凋敝思淒然  
梁園尚未來枚叔鄴下寧能老仲宣  
樽酒自傾春欲動梅花不見月空懸  
無由縮地供詞賦錯憶山陰夜放船

自林浦江上泛艇將至鼓山禪寺簡黃子

林世璧

浮舟爲訪子雲居掛席樵風返照餘  
江上人家連水竹山中雲氣接空虛  
欣逢法界三天靜况值煙花二月初  
處處鶯聲芳樹裏寄言求侶意何如

黃岩道中

葉芳

黃葉蕭蕭下翠微寒風歲暮薄征衣  
亂泉當路馬蹄濕落日半峰人影稀  
旅食難辭漂母飯隱居空愧首陽薇  
仙山自是堪吾老何必江東泛棹歸

留別沈鍊師

碧水蒼山十萬重抱琴歸去憶僊翁  
人間無路逢王



晉洞裏何年訪葛洪  
瑤竈夜看丹火候  
玉田春養紫芝藜  
閒心勝事誰能共  
知有隣家白兔公

送郭道人次甫還海上

幾日逢君話息機  
孤帆江上忽東歸  
白雲還戀青山去  
黃鶴終思碧海飛  
島樹含花迎竹杖  
秋風吹浪濕仙衣  
相隨欲學長生訣  
只恐丹砂事已非

留別張琯文

蕭颯河山飛白雲  
京華歲暮欲離羣  
人同聯璧那堪  
時聞桂帆獨自沿  
流去千里滄波正  
夕曛

龍江阻風寄懷真州繆以道

關河羈客阻江風  
無那歸心久向東  
一夜忽驚生白髮  
崇朝惟見下丹楓  
蕭蕭細雨寒沙際  
隱隱孤舟遠浪中  
此地思君最岑寂  
獨將尊酒對秋空

春暮

周東田

寒重山城花不妍  
石池苔蘚片連錢  
絲絲不斷五旬雨  
忽忽欲經三月天  
丹鼎有緣通瑞鶴  
草堂無限托啼鶻  
人生總被浮名繫  
莫向東風看紙鷲



殘息

殘息微微重自憐秦箏齊瑟兩茫然規中不斷華池  
水火上初開太乙蓮十里鶯花南國路一成煙雨故  
山田桃源古洞雲深處欲問漁郎又隔年

孤山林和靖墓

放鶴亭空煙水餘林生曾比作樵漁千年白骨留荒  
碣十里青山繞故居道在欲追箕穎操詩成真恠茂  
陵書春來何限新桃李落盡梅花夜月虛

岳武穆廟

匹馬河西拜岳祠武林又見向南枝孤忠盡作生前  
夢百戰空餘死後碑海氣有時開日月江湖終古走  
蛟螭一尊欲弔黃龍府多少英魂泣數奇

于肅愍墓

于墳偏近岳家丘俯仰湖山涕泗流社稷難輕寃莫  
問乾坤再造死何愁錢塘白日千峰晚玉塞黃塵萬  
積秋秦晉祗今烽火急不堪醜酒拂吳鉤

吳山絕頂春望

龍飛鳳舞亦茫然酒入高峰客自憐湖色西含山壁



雨江聲東蹴海門天春風錦繡三千界澤國魚鹽二  
百年莫向沙頭問南渡烟波無奈釣翁船

嚴子陵祠

古栢蒼藤覆廟庭野泉奇石引沙汀江山忽落漁翁  
釣宇宙長懸客子星千里弔君尊酒白十年慚我劍  
鋒青却思耿鄧排闥闥回首雲龍盡杳冥

秋懷

千古殘碑見渚沙闔閭山碧帶枯槎錦城烟雨迷王  
國江市笙歌半酒家墓冷要離寧有劍館空西子尚  
餘花壯懷回首吳鯁發胥水天寒散暮鴉

玉液館新成臺圃

芙蓉池館鎖朱欄玉液泠泠秋一灣尊酒映人嵐氣  
絲砌苔移席野花斑牀頭鶴影月橫壁門外虎聲風  
滿山夜靜瑤臺倚天立我來剛見白雲還

再過京山縣觀音崖

李言恭

車塵十里楚江西今得高山且暫棲湖海幾年違故  
國春風兩度入招提飛泉常傍懸崖落野鳥獨藏深  
樹啼爲覓老僧談四諦半樓烟月暮雲低



別徐雲壑

霜寒江郭正斜暉，又送孤裝出翠微。  
湖海空勞離夢遠，風烟從此故人違。  
淚傷異域君南去，書憶衡陽鴈北飛。  
明日雲山不堪對，滄洲細雨思依依。

同栢友遊山寺

野夫懷抱屬林丘，又得同君白社遊。  
十里松杉秋雨徑，半山鐘磬夕陽樓。  
閒將村酒問黃菊，坐對溪雲出暮流。  
作客何緣遇公瑾，令人常醉楚江頭。

和黃淳父諸君餐英館候菊之作

王懋明

載酒看花花未開，繞籬寒水半軒蒼。  
幽姿不與羣芳競，勝事還憑妙句催。  
紅葉欲隨秋共老，青山休笑客空回。  
主人寂寞重陽日，應喜王弘寔後來。

垂柳

城西幾樹漸堪攀，濯濯低臨水一灣。  
慣長枝條妨別路，解將顏色映春山。  
風流往日憐張緒，婀娜誰家學小蠻。  
客子停驂勞悵望，鄉愁撩亂夕陽間。

落梅



清月疎烟樹樹明東風昨夜厲江城玉鮮委砌疑無  
地香粉隨人覺有情粧態鏡前春思減笛聲樓上旅  
冤驚衰遲錯被年華惱一卉飄零百感生

寄梁伯龍

聞君游倦復還邛共說年來賦益工任俠好看虬客  
傳躬耕聊繼鹿門風雲林獨往常心醉花月幽居有  
夢通一自過門題鳳後至今猶媿在樊籠

信溪舟中寫懷

客子南浮遠莫論日憑山水慰離冤兩崖鐵石凝烟  
古一礪春流過雨渾時序暗將愁鬢改風波常使  
心存迷方遲暮何爲者安得躬耕老鹿門

表江客思

琴書留滯贛江濱迢遞東歸正及春啼鳥不知鄉國  
異桃花空笑客囊貧看山自幸銷幽癖沽酒無由覓  
故人飽歷風波倦行役一丘端可寄閒身

朝天宮

王 恹

百折烟梯繞石城天門冉冉傍雲行瑤壇過雨藤蘿  
爭玉樹翔風鶴鶴驚煉藥欲分丹竈火步虛時聽洞



簫聲追隨空有盧敖杖婚嫁何時慰向平

還山

潘緯

芍藥花開游子還迎人園鳥倍關關客行不覺生青  
草歸興依然對碧山莫問妻孥還怨色且憐丘壑少  
慙顏柴門一入車聲斷藜桂道遙更自攀

趙太史招同童山人集栢上人禪房得辰字

康從理

白雲低映壁蘿新暇日招攜境自春祇樹香浮懸錫  
地蓮花青傍坐談人家留南國空銷鬢業爭東林可

寄身暫向長安原是客休因歡聚記星辰

同陳惟錫太史王儀父太僕李惟寅環衛山人  
童子鳴管建初梁思伯館中分得聞字

藤蘿挂月影紛紛簾捲西堂半白雲綠酒浮沉心可  
寄青山離隔夢何勤林昏野鵲憐余倦露浥庭蘭對  
客芬楚奏吳歌俱寶瑟淒清誰奈向秋聞

秋日同諸友過栢上人禪房分得霏字

空花晴墮晝霏霏一片秋雲欲染衣白馬舊開雙樹  
古青山高視六塵稀池蓮似愛僧能淨林竹猶憐客



乍依豈謂少微江漢色清光亦傍帝王畿

喜黎惟敬司馬至分得中字

嶺海春雲幾夢中烽烟無地問飛鴻  
歌來白雪傳京國愁處黃塵起朔風  
貫酒久拚裘褐在向人猶愛寶刀雄  
漢庭才子如林日作賦誰能似爾工

寄黃淳父兄

一別金閨郭外亭向人垂柳十番青  
書無干謁囊猶水病有烟霞跡似萍  
江上扁舟孤夜雪鏡中華髮亂秋星  
長干花月傷心麗入夢誰能淚不零

新春寄黃六

李元服

流水潺湲蠟戶虛終朝默坐懶披書  
鳥聲尚覺天南澗梅影入小牕後疎  
風冽山妻供濁酒雪晴田父薦嘉蔬  
衰年未得資生計且向林塘學種魚

署中秋懷

張佳胤

吏隱嘗依一畝宮案頭幽鳥坐秋楓  
樓高散帙青天露滴繁花綠樹中小  
景會心無遠近轉蓬隨地可西東  
虛慚絳帳橫經日空使諸生侍馬融

送范生永州

王達



落日疎煙鴈影孤  
茫茫破浪接平蕪  
往來自喜生清世  
登覽真能愜壯圖  
地向鷗邊分二水  
船從花外識三涪  
明年兩處相思日  
君在零陵我在吳

題江山清遠圖

十年騎馬戀微官  
萬里江山次第看  
白浪翻空秋意早  
翠屏留雪曉光寒  
帆檣遠近龍魚現  
樓閣高低宇宙寬  
皓首歸來渾不忘  
一燈風雨夢長安

送茶陵劉槐庭

江雲漠漠路茫茫  
江上東風逐去航  
花落曉堤青草合  
雨晴春渚綠蒲香  
一聲孤角來邊壘  
萬點斜陽下故鄉  
料得到家應有感  
舊栽松柏過人長

岳陽樓夜泊次韻

酒醒長嘯獨登樓  
樓下蒼茫水自流  
路隔諸峰湘浦晚  
天涵一鴈洞庭秋  
雲開月朗生吟思  
霜落風清散客愁  
燈火幾家黃葉外  
角聲知是古巴州

戊午元旦

文徵明

黃鳥風聲逝好音  
白頭窻下整冠巾  
喜聞海上風煙息  
又見人間日月新  
霽景騰暉金勝曉  
煖痕霏雪玉



梅春何當載酒尋芳去  
綠滿郊原草似茵

金陵眺古

祝允明

綠謝平蕪野燒乾  
西風吹雨打長干  
盤龍去後金釵  
蝕擒虎來時玉樹殘  
結綺閣中香爇歇  
景陽樓下水  
花寒秦人豈識  
千年後終古神州  
奠石盤

香奩冬詞

孟淑卿

默坐深閨思有餘  
霜威漸覺襲衣裾  
青綾被冷無鴛  
夢紫塞天寒斷  
鴈書竹葉舞風侵  
戶響梅花和月上  
窻虛雙蛾爭似  
庭前柳寒盡春來  
忽又舒

郭次甫

山訪予賦贈

朱察卿

躡蹻常懷獨往心  
開門今喜得逢迎  
青霞已領山下  
業白雪翻嫌世上  
名委巷看花寒氣  
薄高樓觀海暮  
潮平十年一作三  
江客明日重爲五  
嶽行

張月鹿免官歸却寄

老拜功曹祿甚微  
性廉常食武林薇  
車無蕙苾翻成  
謗江有鱸魚合早  
歸仲蔚階前芳草  
沒翟公門外故人  
稀憑君詞賦凌三  
謝推轂於今事已  
非

又



畏途誰任爾，踈慵况復高。才豈易容天地，由來同野馬。古今那肯好，真龍百年白髮難。逃鏡何處青山可，駐筇我亦浮沉波浪裏。避人無地着孤蹤。

徐子與僉事與李于鱗參政同載入都，舟次吳門，寓書囚寄。

朝天北指五雲中，渺渺孤槎二妙同。白雪驚人今日見，黃金收馬舊臺空。御車尚以關河阻，奏刺先將姓字通。柱下昔年曾結客，大夫無媿古人風。

寄謝茂秦

憶昔長安並馬遊，醉來曾向酒家留。風寒易水荆臺劍，霜落燕山季子裘。白雁廿年誰折簡，青山何處獨登樓。當時投贈驚人句，風雨常生匣底秋。

送友人之邊

胡笳吹冷玉門霜，投筆當年意慨慷。百戰能騎千里馬，一麾曾斬右賢王。青萍已照鬢邊白，金印誰懸肘下黃。今日送君仍出塞，好從王朔問行藏。

賦得塞上征人

萬里黃雲蔽日愁，十年常出隴西頭。馬前箭落烏孫



月雁後笳吹白帝秋身在却因思報主功成誰謂欲  
封侯明朝定繫單于頸不愛燕然姓氏留

○送秦水部之金陵

念爾才爲水部郎悲歌空有淚沾裳酒分南浦蘋香  
細帆帶西風雁影長燕市雲深天杳杳金陵秋冷樹  
蒼蒼可憐粉署良宵月猶照烏臺舊日霜

寄徐紹卿

莫叔明

銜杯高館念離羣何處筵筵醉裏聞覓信愛逢秋水  
掉迷人惡說暮山雲簷間獨鳥翻殘葉堦下名花照  
落暉世事于今有千變空林無計却從君

冬客金陵東徐道潛

顧允默

非嗟鍛翰委樊籠歲杪那堪是客中斜影曉寒山際  
月愁聲宵永樹間風袞穿東郭何人問裘敝西秦此  
日同賴有高情徐孺在時將杯酒話鴻濛

經蘇五娘廢宅

少年無限惜韶華曾共周郎醉狹斜笑指石橋東向  
路似來金屋阿嬌家香車去後惟荒草舞榭銷餘但  
暮鴉不用天台悵流水此中陵谷也堪嗟



秋夕次周芝孫韻寄梁伯龍于越

懷君提劍武林游，鴈影蛩聲繞戍樓。  
七校倦看刁斗月，六橋驚換鼓鼙秋。  
西施溪上花辭醉，嚴子灘頭柳帶愁。  
吳越不須談往事，歸來同我伴閒鷗。

送張憲副游西湖

童珮

共說張騫逸興豪，長安不戀錦宮袍。  
一官老去無恒業，廿載歸來未二毛。  
冀北寒霜忘舊鉞，江東秋水自輕舸。  
詩篇後夜西湖上，定有星辰映翠濤。

越來谿

衰草荒雲路欲迷，可堪移棹越來溪。  
千江歲杪客仍遠，十里烟寒水自西。  
練氣數行將日落，山形幾點入烏啼。  
溪東莫問行人廟，一樹棠梨野鳥棲。

錢塘酒家與虞山人話別

客程十日共枯槎，一片寒江對浪花。  
枕上水聲聽綠綺，篋中衣色鬪青霞。  
山川未必多岐路，崑壑從來是一家。  
醉倚舵樓還惜別，可堪城上亂啼鴉。

茅山題王道士山樓

漢廷仙去樓居在，凭檻渾疑倚碧空。  
過雨泉聲生枕



席緣厓人語出房櫳當窓星斗應宜夜入座烟霞不  
爲風况有主喬茲學道洞簫長日彩雲中

秋日閒居

花發芙蓉一徑秋閉門山色又西樓竹牀不礙供高  
臥草賦寧須續遠游簾幕無聲啼鳥去雲霞滿地夕  
陽收攤書笑檢南朝事沈約何曾拜隱侯

無題

曲廊佇立話無端倦不勝衣春自寒花外覓消雙蛺  
蝶帶邊心折小闌干腰肢自近黃昏青指甲羞將紅  
雨彈星斗滿墻渾未寐侍兒偷語月團團

又

共憐結隊試宮商獨恨差池錦瑟旁掌上未曾爲舞  
燕曲中先自奏求凰情牽別事偷彈淚愁逐新聲暗  
結腸歸去玉釵渾自墮不堪銀燭背人藏

初至燕京宿報國寺英上人禪房

李英

驅馳萬里至燕關下馬投居野寺閒上界清都連北  
闕中天禪院近西山下聽齋磬逢僧話暗數郵程損



各顏此夜思鄉人更遠天涯何處問刀環

長安早秋

清宵玉露下金溝草色淒淒倦倚樓  
鳩鵲雲中雙闕曉芙蓉天外萬山秋  
文園獨抱經年病杜曲誰憐遠客愁  
此際不堪勞極目大江南北路悠悠

歲暮旅懷

天涯留滯歲將除短髮蕭條嘆客居  
楓葉共飛遊子夢梅花不見故人書  
雲浮關樹千山盡夕照江烽萬里餘  
回首旗亭心更遠每看征馬一踟蹰

送鄉友南還

翩翩旌旆去如飛獨立河梁對落暉  
皂帽不堪空自愛久青門頻送故人歸  
看雲經歲鄉書絕臨水傷春樂事稀  
燕粵迢迢萬餘里塞鴻聽盡思依依

愁思

曾是滄洲舊釣徒西風落魄寄江都  
望中故國千山阻別後經年一字無  
庾嶺烟霞秋思遠楚天風雨暮帆孤  
誰憐飄泊他鄉客不爲尊鱸滯五湖

欽和御製山居詩賜靈谷寺住持



偶向溪頭坐石磯  
水禽沙鳥自相依  
敢言有道忘人境  
祇欲無心契祖機  
莎草似茵迎日軟  
荻芽如玉到春肥  
岳扉半掩歸來後  
步屨脩廊月色微

釋宗泐

和程續古秋日見過兼次韻

上方高處古禪關  
一曲清溪萬疊山  
松樹不嫌僧老  
菊花應笑客能閒  
西風岸口孤帆轉  
落日林邊鳥還  
一自兵餘行樂少  
且須今日盡歡顏

贈郭子莊之南昌

一騎新辭白下橋  
豫章南去雨蕭蕭  
元戎妙略歸孫楚  
賓客英才重鮑昭  
近水高城江勢轉  
倚天長劍斗光搖  
湖邊孺子亭猶在  
應采芳蓀賦大招

寄鍊厓先生

時留京總裁禮樂書

釋仁發

蓬萊宮闕五雲東  
龍虎山川錦幃中  
盡說黃金延郭隗  
誰知白壁起申公  
春秋衮鉞諸侯懼  
南北車書萬國同  
卻望鈞天纔咫尺  
一琴涼月寫松風

二月三日泊瓜州渡與吳菴同賦

淮烟漠漠夕陽收  
楚樹昏昏翳客舟  
風度鐘聲來北



固帆將燈影過揚州雲銷碧海天無際波撼金山地  
欲浮獨恨壯遊非昔日滿江風露夜如秋

湘湖謾興寄獵微生

藕花風起晚涼多高據柴床聽棹謳芳草不歸支遁  
馬白沙唯見右軍鵝人家隱隱連桑柘僧梵悠悠出  
薜蘿今夜湘中好明月相思無奈故人何

寄樸隱南州

聽徹南岡杜宇聲東州故舊獨關情湖鄉草色迷春  
雨水院楊花落晚晴百寶不如燕石貴一錢誰買越

江清唯應便覓支郎去馬上看山直到城

午橋柳莊

十里烟沙接野塘五株垂柳覆蘿牆宦情都付河東  
老往事休談洛下莊翠影連雲春正晚鶯聲到夢日  
初長相邀須待花飛盡倦客愁多易感傷

○三月廿八日早渡浙江

塵事縈心不暫安天涯憂抱若爲寬人因病久交遊  
絕士到名成出處難水國鷄鳴催客渡山城花落送  
春殘會當一壑忘情去得共雲松老歲寒



寄伯貞戴公

東望湘雲客思多，故人歸計近如何。  
江都夜月璫花夢，海國蠻烟荔子訶。  
落日麒麟猶草野，滄江鷗鳥亦風波。  
碧桃窓下聽春雨，誰肯金貂換綠蓑。

題雲門翠微深處

溪閣重重翠崦遮，無時雲氣濕袈裟。  
千峰樹色藏朝雨，六寺鐘聲送晚鴉。  
筆塚天寒收柿葉，茶壇風落掃松花。  
倦遊每憶消閒地，早晚扁舟向若耶。

過何氏山林

十年海國厭風波，地老天荒此地過。  
白髮幾人江左老，青山無恙越中多。  
社尋廬阜沙門遠，詩愛揚州水部何。  
要看仙家棋局散，不妨松下爛樵柯。

題張伯雨初陽臺倡和卷

笙管聲沉綵鳳飛，朝陽出海散晴暉。  
一時文物推延祐，五夜丹光起太微。  
歲月無情詩卷在，山川如故昔人非。  
祇應湖上梅花月，照見荒臺獨鶴歸。

四月九日與斯道衍公登虎丘

緝宮高涌碧崔嵬，曾是秦皇駐蹕來。  
虎石半銷金氣



盡翠崖中斷，劔池開。岩僧掃月，千峰淨。山鬼吟風，萬壑哀。老我登臨，春已晚。落花吹滿，講經臺。

十一月十九日崇福菴對雪

海城三日北風顛，南雪今朝見。臘前一色盡，封閉草木雙眸驚。失舊山川，逐臣愁絕。藍關馬倦，客思回剡。曲船冷殺梅花，吾不恨，疲民多少。望豐年。

贈海上六如仙

祇陀園裏六如仙，不住僧房卽市廛。歲月消磨囊底藥，雲山廢盡杖頭錢。老來白雪秋盈鬢，詞罷青天月滿船。自說麻姑新有報，海波昨日又桑田。

石蟹泉

神鼇驅水到禪家，清出龍泓味更嘉。晴帶溪雲穿曉籟，暗隨山雨走寒沙。玉臍圓映波心月，瓊液香浮沼面花。撥待春風招社客，焚香來試九溪茶。

過張侯舊宅

畫戟門開宿草新，一過此地一沾巾。歸來燕子驚新主，開到梨花又暮春。雨榻無因連海曲，星槎何處泊天津。夢中相見猶平昔，翻訝傳來信未真。



次韻答唐羽士

長笑千金養客軀，靜將雙眼閱乘除。盡拋身外無窮事，遍讀人間未見書。鏡曲西風來欵段，槎頭新水上鱖魚悲。詞幾度懷同谷雪，後黃精擬共鉏。

次韻答康郡馬

支許三生是舊遊，遠征不必動新愁。胡奴踉蹌進蒲萄，淶宛馬驕嘶苜蓿。秋雪外屯兵開鶴陣，月中飛箭落旄頭。要知別後相思處，但看長淮日夜流。

次韻答靈隱禪師

沉沉蓮漏滴初乾，忽忽天涯歲又闌。貝葉讀殘香篆盡，梅花吹斷角聲寒。舊文每許閒人錄，新句寧容俗眼看。共喜太平林下客，暮年生計託蒲團。

次韻沈文舉忽見梅花

看梅曾感故園情，每到開時別恨生。舊樹已從兵後盡，新枝忽見水邊橫。夢回山閣梨雲白，月滿江城畫角清。欲寄西湖早春信，楚天霜冷鴈無聲。

次韻贈空同外史

懶掛風瓢學許由，翛然一室客皇州。日高松頂眠方



穩月落梅邊詠未休老去不趨朝士列醉來聊作野  
人謳憑誰爲寫維摩影安得丹青顧虎頭

雪洞

玉戶玲瓏巧製裁冰壺皎潔絕纖埃千秋不解崑崙  
凍七日驚看混沌開花散瓊臺春不盡光浮銀海月  
初來道人坐久心源淨一水泠泠曉定回

遊廬嶽

帆掛東風十幅蒲西行五日指匡廬柳垂湖口知彭  
澤山落船頭見小孤白雨亂峰皆瀑布紫烟高處是  
香爐茲行安得王摩詰爲掃蓮花社客圖

秋日晏坐

釋方澤

紫葢紅薇覆院香翠屏蒼壁暗生涼陶心淥水魚初  
躍流目層霄鳥正翔避地向來追角里入秋親覺近  
羲皇昨宵與客當明月木榻茶鐙已坐忘

楚江秋曉次石田翁韻

釋明秀

山川搖落露華晞野寺鳴鐘破曙暉千里人烟江郭  
靜數聲漁笛水禽飛寒催刀尺風霜早日遠關河信  
息稀叢菊又開身在客長沙誰念未成衣



懷太白山人

堦前黃葉堆欲滿湖上白雲閒自來千里秋風悲斷  
鴈兩峰寒日憶登臺未能明月同移棹想見黃花獨  
舉杯吟遍長松千萬樹南屏落日寺門開

中秋汎激淑湖董蘿石許東山朱西村陳句溪  
許九杞孫太白沈紫峽同賦

人物百年滄海上釣竿裊裊拂珊瑚前峰吹笛月在  
水中流放歌秋滿湖夜靜魚龍迴浦淑天低星宿動  
菰蒲山川勝槩自今昔天柱洞庭還有無

早春進艇赴棠陵石屋之招

烟霞舊誼經年別人日書來促我行想見巾車停石  
屋倩遊山水有春鶯風移舟楫高江曉雲去衣裳遠  
樹晴擬把梅花共罇酒月明那惜夜兼程

梅花賡西村韻

凍絕深山萬木荒一枝歲晏獨含芳水邊月落寒無  
夢簾外花明夜有霜甘向風塵棲草莽不隨桃李傍  
門墻春園盡借陽和力顏色何曾帶雪香

許泉亭成簡蘿石翁



隱居晚歲卜西岩叢棘荒烟手自芟祇爲巖泉藉疎  
豁更堪碁局傍松杉杖邊陰壑四時雨檻外風江千  
里帆嶼南老人有高致許泉名已爲吾劔

留句溪養病山中

病臥山中且莫歸我憐白髮故人稀焚香竹裏哦詩  
坐行藥池邊看鳥飛省已有方須避地求閒無願已  
忘機狐裘三十年還在丘壑相看只舊衣

散鶴沈一之別號

縞衣玄裳無可並青田丹丘何處求傳書自惜遲三  
島縱翻還看向九州野竹漁沙閒立晚滄江水月獨  
橫秋堦墀豈羨乘軒寵曾伴西湖處士遊

錢塘懷古

梅花零落孤山路放鶴亭前月自高宇宙兩間真處  
士勲名千古一鴻毛書無封禪存遺稿祠有軒裳列  
布袍惆悵先生招不起滿湖烟雨暗蘭皋

小寒食寄王仁甫

禁火空齋猶短褐流鶯多事尚關關此生天地惟憂  
道何處江湖不著閒春雨書邊長碧草梨花病裏過



明詩選  
卷之三十八  
四  
青山肯來入社仍沽酒看竹吟詩任往還

秋興

木落關山歲暮時風雲萬里憶京師著書獨惜虞卿  
老懷古猶含瘦信悲海郭清砧寒近瀉山樓短笛夜  
深吹江南秋水平如鏡祇恐無人照髮絲

和東濱先生餘春園作

沙寒竹淨草堂深細雨鳩鳴不過林采藥已知司馬  
樂種瓜猶似邵平心晚山留客酒初熟春草閉門詩  
細吟不減風流習池興青山白浦可招尋

勝果山中懷朱陳二翁

西閣暮鐘雲氣陰南山秋色故宮深半巖落日照江  
雨萬里長風吹桂林喜見燈花頻入夢病憐物色獨  
關心青天兩夜負明月黃葉思君祇自吟

宿靈隱次棠陵韻

月上前峰烟霧消隱隱樵歌天竺橋泉鳴寒澗石齒  
齒風吹落木霜蕭蕭白首相逢意自好黃花未發秋  
無聊燈前忽憶棠陵客雲榻山尊負此宵

懷瑞石草堂



新年斗酒故人意梅花一枝應抱愁牀頭日高殘雪  
在竹裏鶴鳴春澗幽遜世豈惟忘盥櫛安居終得藉  
林丘已知賓榻青霞地獨自吟詩憶壠頭

秋日登棲雲巖

黃落山川入望遙行過雲巖憶前朝秋風廢苑悲叢  
棘明月珠簾想玉簫島嶼晴浮漁浦樹江潮寒上海  
鮮橋迢迢西崦斜陽路惟見歸鴉趁暮樵

淳朴園

棲息潭同太古時丈人只有漢陰知竹深春雨煮黃  
獨松下晚山歌紫芝豈謂全生因抱病祗緣避俗得  
無爲衣裳更帶烟霞色鶴鹿相隨杞菊籬

嘗茶

小堂春晚正寥寥洗水烹茶帶雨燒病起不知紅葉  
老開門忽報白雲招松邊落日明虛閣夢裏西山度  
野橋我已慵書今數月恠來幽思在芭蕉

高御史世德告病還陝

釋魯山

酬國曾無鄉土夢赤心今爲病懷違鴈從沙塞寒時  
過人向秋光淡處歸笑典朝衫償藥價慢將荷葉製



儒衣林間歲月如流水五夜遙應看紫微

次謝與槐王古直二公見訪韻 釋果斌

野寺尋春春欲歸松陰淡淡鳥聲微峰頭返照雲來  
暗谷口殘花雨過稀雅致忽驚王逸少清標真覩謝  
玄暉山深已隔人間世何得浮塵更點衣

次韻荅仁山劉公

不因流景惜華年甘守東林冷淡禪愧我性空聊假  
悟何人心印得真傳茶浮石鼎時閒煮窓對雲山日  
晏眠却恨根塵除未盡賡酬猶爲了詩緣

除夜

白髮盈盈愧昔賢疎慵虛占好林泉茗甌細啜  
序篆火重添續舊烟竹響嚴城千炬發雲埋凍屋一  
燈懸山鐘聽徹渾忘寢坐待金烏上碧天

宿東林寺

訪舊匡廬幾處登芒鞋那畏石陵嶒欲開萬里通霄  
眼須作孤峰獨宿僧荷錫不驚林下虎煮茶聊借佛  
前燈烟霞儘有吾儕分着個蒲團豈不能

答王戶部問禪用韻

釋希復



逍遙物表元無意。禮法區中亦匪心。欲以此生明夢  
幻。故將微妙入幽吟。離空已墮聲聞淺。卽有還迷覺  
海深。大道本來超性相。何勞岐路漫參尋。

寄月田

講從東郭辭羅什。禪向西山禮道林。世法豈因迷色  
相。祖機會已悟幽深。蘿床石塔非凡界。鶴唳猿啼總  
妙音。定起欲呈心所得。了無文字可成吟。

送僧錄講經崇遠

羽士周思得

一錫飛空出帝京。烟霞蹤跡水雲情。袈裟靜疊曇華  
影。靈籟清傳貝葉聲。翠竹岩前看有相。磐陀石上話  
無生。房前舊植松枝老。弟子應看偃蓋青。

舟中寄張外史

羽士盧大雅

棹郎催踏春溪舫。阻我辭君散木亭。江水未應春去  
漲。鄉山偏向別時青。烟波釣艇新衝雨。河漢仙槎舊  
犯星。輸與仙都吉居士。一簾山雨聽鶉經。

夜坐

羽士章志宗

窓間獨坐意條條。一盞寒燈伴寂寥。風是故人能自  
至。月爲佳客不須邀。金甌泛酒飄春霧。石鼎烹茶響  
明詩選



夜潮一卷蕊珠閑誦罷紛紛鸞鶴下青霄

秋分日同友人山行

羽士錢月齡

羈愁暫撥作山行秋日平分氣轉清  
溪影照人風已息稻香撲袖雨初晴  
古今在眼青山色歲序驚心白  
鴈聲更喜同遊俱物表採芝坐石看雲生

秋懷

碧天風露灑梧桐雲錦浮華月正中  
仙侶夢隨三島遠野人興寄一杯濃  
丁丁玉斧侵圓魄隱隱鸞笙度  
半空願得年年當此夕清光長照醉顏紅

教坊獻詩

鐵氏淑秀

教坊脂粉洗鉛華一片閒心對落花  
舊曲聽來猶有恨故園歸去已無家  
雲鬟半挽臨粧鏡雨淚空流濕  
絳紗今日相逢白司馬尊前重與訴琵琶

教坊中呈原問官

鐵夫人次女

骨肉相離舊業荒一身何忍去歸娼  
淚垂玉筯辭官舍步斂金蓮入教坊  
覽鏡幸無傾國色向人休學倚  
門粧春來雨露寬如海嫁得劉郎勝阮郎

送弟就試春官

沈夫人



夜潮一卷蕊珠閑誦罷紛紛鸞鶴下青霄

秋分日同友人山行

羽士錢月齡

羈愁暫撥作山行秋日平分氣轉清  
溪影照人風已息稻香撲袖雨初晴  
古今在眼青山色歲序驚心白  
鴈聲更喜同遊俱物表  
採芝坐石看雲生

秋懷

碧天風露灑梧桐雲錦浮華月正中  
仙侶夢隨三島遠野人興寄一杯濃  
丁丁玉斧侵圓魄隱隱鸞笙度  
半空願得年年當此夕清光長照醉顏紅

教坊獻詩

鐵氏淑秀

教坊脂粉洗鉛華一片閒心對落花  
舊曲聽來猶有恨故園歸去已無家  
雲鬟半挽臨粧鏡雨淚空流濕絳紗  
今日相逢白司馬尊前重與訴琵琶

教坊中呈原問官

鐵夫人次女

骨肉相離舊業荒一身何忍去歸娼  
淚垂玉筯辭官舍步斂金蓮入教坊  
覽鏡幸無傾國色向人休學倚門粧  
春來雨露寬如海嫁得劉郎勝阮郎

送弟就試春官

沈夫人



自少離家侍禁闈，人間天上路依微。  
朝迎鳳輦趨青瑣，夕捧鸞書入紫微。  
銀燭燒殘空有淚，玉釵敲斷竟無歸。  
年來望雨登金籍，同補華蟲上衮衣。

秋興

陳夫人

小塘蒲柳漸蕭疎，露滴銀牀下井梧。  
隱去陶潛戀松菊，歸來張翰憶尊鱸。  
雨收殘暑蟬聲咽，風送新涼鴈影孤。  
每爲悲秋減懷抱，任教香冷博山爐。

行閩山見居人以竹引泉

陳夫人

行盡山溪路渺茫，幾家茅屋對斜陽。  
引泉竹溜穿厨入，墮粉松花遶舍香。  
樵徑無人閒臥犢，石田得雨漸分秧。  
平生頗有山林僻，欲向溪邊結草堂。

秋夕

陳夫人

水滴銅壺夜漏停，樓頭月午睡初醒。  
丹爐養藥重添火，小閣焚香再禮星。  
撼撼風聲飛墜葉，輝輝燈影照寒屏。  
擁衾忽爾成奇夢，直駕長鯨過洞庭。

吳山懷古

朱氏靜菴

萬里中原戰血腥，宋家南渡若爲情。  
忠臣有志清沙漠，庸主無心復汴京。  
北塞春風啼蜀魄，西湖夜月照



瑤箏百年興廢空陳迹回首吳山落照明

春雨

濕雲漠漠雨如絲花滿西園蝶未知金屋曉寒鶯語  
澁畫樓春曉燕歸遲宮桃有恨啼紅淚烟柳多情斂  
翠眉檀板金尊久寥落孤城愁聽角聲悲

湖曲

湖光山色映柴扉茅屋疎籬客到稀閒摘松花釀春  
酒旋裁荷葉製秋衣紅分夜火明書屋綠漲晴波沒  
釣磯惟有溪頭雙白鳥朝朝相對亦忘機

夜坐

吳蠶初出悄無眠數盡更籌覺暮寒柳色弄陰春已  
暝角聲吹月夜將闌金爐火冷沉烟細羅幌風生蠟  
炬殘獨坐空庭望銀漢碧天如水露漙漙

秋夜

月轉梧桐夜未央繡屏斜裊篆爐香金風初起桂花  
落玉露無聲秋夜長碧海望窮仙路遠紫簫聲徹晚  
天涼乘槎欲共天孫會惆悵銀河路渺茫

寄夫

王夫人



馬飛曾不到衡陽錦字何由寄永昌  
三春花柳妾薄命六詔風煙君斷腸  
曰歸曰歸愁日暮其雨其雨怨朝陽  
相聞空有刀環約何日金鷄下夜郎

庭中牡丹盛開詩以賞之

馬夫人

翠霧紅雲護短墻豪華端稱作花王  
洛陽宮裏楊妃醉吳國臺前西子粧  
芳露淡勻腮粉膩暖風輕度口脂香  
開時亦自知珍重靜鎖春風白晝長

憶姊和韻

孫夫人

作夜寒梅已着花新枝折取寄天涯  
鸞翔霄漢還千里人隔燕吳本一家  
無那看雲憑畫檻懸知望月倚牕紗  
錦牋况復傳佳句詠雪高才未足誇

聞鴈

帶月穿雲晚亦過數聲嘹唳近銀河  
川源萬里來何遠關塞千重度更多  
曾寄尺書歸上苑還拖秋影落寒波  
天涯旅客愁聞汝喚起鄉心柰若何

越城懷古

海國淒涼千載恨滔滔都付水流東  
千年霸越人何在  
一戰吞吳事已空  
弱柳新垂黃鳥轉荒臺猶在綠



因窺只今惟有稽山月曾吐金輝照故宮

火

新秋

潘夫人

窓前初月掛銀鈎水色山光總是愁  
花落碧苔開白晝鳥啼庭樹弄清秋  
紛紛黃葉隨風舞落落寒泉傍  
澹流月色滿簾多意亂

閨風

鳳絲離錦尺數軒窗向宿雲高木未  
只結里入翻燕吳本一家無雁香雲  
盡盡總映壁月餘



壽